



شاره‌زایان هۆشداری دده‌ن:
تۆفانی دووهمی نوح به‌رهو
کوردستان به‌ریوه



(هاژہ) ی فہرہ نسی:
بہدوای کولتووری ٹیمہ
مہکھون



شاره‌زایان
هۆشدارى دده‌دن:
تۆفانى دووده‌ى
نوح به‌ره‌و کوردستان
به‌ریوه‌یه

Rûdaw ÇAPA EWRÛPA



Deutschland, Österreich, Nederland, Belgique, France 1,50 Euro | Schweiz 2,70 CHF | England 1,40 GBP | Sverige 21,00 SEK | Danmark 15,00 DKK

Hejmar/Nr. 20 | 17. Mijdar/November 2009 | www.rudaw.net


KURDISTANÎ ► 2-5

Avakirina balafirxana nû
xelas bû

“Noşîrvan wê ji girê xwe bê
xwar”

ÇAND Û HUNER ► 8

Reng û firçeya min, hêza rihê
min e



Ji sedî 61'ê jinên Amedê
kocber in

DÎASPORA ► 11

FC Kurdistan li sponsoran digere

EWRÛPA ► 12

Almanya şîna qelewanê
xwe digre

CÎHAN ► 13

Hûtên Asyayê ji hevûdu bi
guman in

ZAZAKÎ ► 14

Besikçi: Rojhelat û Rojawan

HEVPEYVÎN ► 15

“Ji bo ‘hatina rû hev’ lêborîn”

KESKESOR ► 16

“Mêr jî wek jinan dixemilin”

Serokê Herêma Kurdistanê Mesûd Barzanî:

Bo Kurdistanê hevkarîya Ewrûpa pêwîst e

Serokê Herêma
Kurdistanê daxwaza
hevkarîyê li YE'yê
kir ku ew di warê
damezrandina
îdareyeke serkeftî û
sîstemeke baş a
tendirustî û
perwerdeyê,
herwiha hebûna
sîstemek dadwerî
ya serbixwe û
hikûmeteke şefaf li
Kurdistanê kir.



Barzanî li Parlamena Ewrûpa

Serokê Herêma Kurdistanê Mesûd Barzani di serdana xwe ya Ewropa da, piştî hevditinên bi Serokkomarê Awistûryayê Heinz Fischer û serdiplomate Yekitiya Ewropayê Javier Solana, di 10ê mijdarê de li Parlamena Ewropayê axaftinek kir. Barzani di axaftina xwe de bahsa rola Herêma Kurdistanê di çarçova Îraqê û pêşketina demokrasîyê li Kurdistanê kir û ji welatên Ewropî daxwaza piştevaniyê di proseya pêşvebirina demokrasîya Herêma Kurdis-

tanê kir. Barzani herwiha di konferan-
seki çapemeniyê de bersiva pirseke Rû-
dawê da û got ku 'herçiqas kurd bi
çend listeyan beşdari hilbijartinên pêş
yên Parlamena Îraqê bibin jî, ewê li
Bexdayê xwedi helbestek hevpar bin.'

Barzani weki din ji welatên Ewropî xwest ku ew piştevaniya proseya nezîkbûna Herêma Kurdistanê û Tirkiyeyê bikin: “Bi baweriya min di pêşerojê de peywendiyên me li gel Tirkiyeyê digijin asteke herî baş.” Barzani

herwiha piştewaniya xwe ji bo hewldanên çareserkirina pîrsa kurdi li Tirkîyeyê nişan da û di derbarê vegera penaberên Qempa Mexmûrê bo Tirkîyeyê amadebûna xwe ji bo hevkarîyê anî ziman û got: “Eger proseya siyasî li holê be, pêwistiya bikaranîna çekan namîne. Divê kurd mafên xwe li parlamen û bi rêyên aştiyane û siyasatê bidestve binin.”

▶ 6

Meleyên Îranê ciwanên kurd li sêdarê didin

Li jêrdestê rejîma Îslamî ya Îranê dardekirina kurdan didome. Hefta borî ciwanê kurd yê Îhsan Fettahyan li Sîneyê hat sêdaredan. Îhsanê Kermanshahî ku bi tawanbariya endamtiya PEJAK'ê hatibû girtin, 28 salî bû. Ew di 11'ê mijdara 2009'an de hat sêdaredan. 12 kurdên din jî li ber darvekirinê ne. Li Îranê tenê di 9 mehên vê salê de 350 kes hatine sêdaredan. ► 10

Kurdistan: 14 kes bi şewba berazan ketin

Şewba Berazan ku li piraniya welatên cihanê belav bûye, gihişt Kurdistanê jî. Li Hewlêr, Silêmani û Dihokê 14 rewşên şewba berazan hatine tomarkirin.

Li gor îstatika dawî ya Wezareta Tenduristî ya Hikûmeta Herêma Kurdistanê niha 12 rewşên şewba berazan li Kurdistanê hatine tomarkirin ku 9 jî wan li Parêzgeha Silêmaniyê, 3 li Hewlêrê û dû rewşên din jî li Amêdiyê hatine destnîşankirin. Berpîrsên Wezareta Tenduristî dibêjin “di rewşên ku heta niha li Kurdistanê hatine tomarkirin de tîrsa mirinê tune ye.”

**Dîsa cînayeta
“namûsê”, dîsa
kurd, dîsa dadgeh**



Kurd artêşa Îraqê naxwazin

Herçiqas rêjeya kurdan li Îraqê ji sedî derdora 25 e jî, lê rêjeya wan di nav artêşê de tenê ji sedî 8.5 e û ji ber ku ew jî di biryardayînê de ti rolê nalîzîn, gelekên wan ji artêşa dûr dikevin. Tenê di çend mehên borî de ji bilî jimareke leşkeran, 800 efserên kurd dev ji Artêşa Îraqê berdane û vegeyriyane Kurdistanê.



Serokerkanê Artêşa Îraqê Babekir Zêbarî dibêje: "Di nav Artêşa Îraqê de jimara efserên kurd zêde ye, lê jimara leşkeran kêmtir e."

KAWA ŞÊX EVDÎLLA

Silêmani (Rûdaw) – Di encama çend bûyerên li Xaneqîn û Kerkûkê de hat xuyakirin ku kurd naxwazin artêşa Îraqê were Kurdistanê. Li gor îstatistikên fermî hijmara kurdan di artêşê de ji sedî 25 e, lê di biryardayînê de ti roleki nalîzin. Herwiha gelek leşker û efserên kurd ji dev ji artêşê berdidin.

Di tirmeha sala 2008'an de hêzên pêşmerge û artêşa nû ya Îraqê hew mabû ku pevçûnê bikin. Pêşmergeyan nedixwest Artêşa Îraqê bikeve bajêrê Xaneqîn. Li gor destûrê herdemî yê Îraqê hê çarenûsa Xaneqîn di navbera Bexda û Herêma Kurdistanê de bi awayekî fermî nehatiye yekalîkirin. Bûyera navbera pêşmerge û Artêşa Îraqê li Xaneqînê îspat kir ku kurd hê bi guman berê xwe didin Artêşa Îraqê û naxwazin careke din artêşê li Kurdistanê bibinin. Di bernameyên radyo û televiz-

yonan de ji, li Hewlêr û Silêmaniyê jî mareke zêde ya xelkê di derbarê hatina Artêşa Îraqê de nerazîbûnên xwe diyarkirin. Lê ew kesan ji bir dîkin ku di nav artêşa nûavakirî ya Îraqê de hinek payebilindên kurd ji cih digrin.

Nêtxirabî artêşê dixê nav tevgerê
Parlamentereki kurd li Bexda dibêje ku Fermandarê Giştî yê Artêşa Îraqê Nuri Maliki ye û biryara tevgerandina Artêşa Îraqê tenê ew dide. "Dema Maliki dixwaze artêşê bişîne deverêkê, raya berpirsên din nastîne. Lê dibe ku kurd carîna nerazîbûna xwe li vir û wir nîşan bidin."

Endama Fraksyona Hevpeymaniya Kurdistanî li Parlamenê Îraqê Rabiha Ehmed red dike ku berpirsên kurd li Bexda di biryardayînê de xemsa bin: "Di pişt tevgerandina artêşê ya li hinek deveran nêta xirab heye, lewma gelek caran berpirsên kurd li dijî vî rawestayane."

Cefer Eskerî ku yekem Wezîrê Bergiriyê yê Îraqê û damezrênerê artêşê bû, du caran gundê wî ji aliyê Artêşa Îraqê ve hat wêrankirin wiha dibêje: "Di salên 1987 û 1988'an de, hovitiya Artêşa Îraqê li dijî gelê Kurd giha zirveya xwe. Di dema enfalan de zêdeyî 182 hezar kes ji aliyê artêşê ve hatin kustin û nêta xirab li Helebçe û hin deverên din ên Kurdistanê çekên kimweyî bikar anî. Makezagon desthîlateke tevahi dide Fermandarê Giştî yê Artêşa Îraqê, ku çawa û li ku artêşê bikar bîne, lê belê hinek caran ji aliyê kurdan ve biryarên wî tenê red kirin û kurd wan cibicîh nakin."

Leşkerên kurd artêşê wek a xwe nabinin

Ji bilî postên wek serokerkan û berpirsê istixbaratên leşkerî, berpirsiyariyeke mezin li ser milê hinek efserên paye bilind ên kurd e. Lê dilê piraniya wan bi vî artêşê xweş nîne û bi guman

berê xwe didin. Yek ji wan berpirsên kurd ên ku li navçeyên cihê nakokiyê xwedî berpirsiyare leşkerî ye bo Rûdawê wiha got: "Rast e li hemû bajarên din ên navenda Îraqê kurd di nav artêşê de gelek in, lê li ti deveran wek li navçeyên kurdan ên cihê nakokiyê ne ciddî ne. Tiştê ne di berjewendiyê kurdan de be, ew bê dilê xwe dîkin."

Komiser Şiwan Heme Xerib ku li Kerkûkê fermandareki leşkerî yê Kurd e, dibêje ku hinek berpirsên leşkerî yên kurd li Bexda tenê derbaskirin û desthilata wan tê bînpêkirin, biryar li pişt wan tenê standin û piştê ji leşkerekî pile nîzim bi telefonê tenê agahdarkirin: "Beşek ji wan ji ber kêmtir tecrubeya kurdan e û beşekî din ji peywendiyê wê bi kiryarên diktatorîk ên berpirsên leşkerî yên Bexda heye."

Kurd dev ji artêşê berdidin

Li gor îstatistikên ku Komiser Şiwan pêşkêş dike, di çend mehên borî de ji

bilî jimareke leşkeran, 800 efserên kurd dev ji Artêşa Îraqê berdane û vegeyriyane Kurdistanê. Şiwan wiha dibêje: "Nakokiyên hizbî û mezhebî bi awayekî tevahi artêş vegirtine, pileyên kurdan nayên bilindkirin û bi gendeliyê tenê tohmê barkirin, lê di rastiyê de ev xeletên berbiçav ên tevahiya Artêşa Îraqê ne li hemû navçeyan. Ger ev danûstandin bi vî awayî bidome, wê gelek kurd dev ji artêşê berdin."

Li gor maddeya 9'an ji destûrê herdemî ya Îraqê, divê hemû pêkhatiyên netewî yên Îraqê cihê xwe di nav artêşê de bigirin. Li gor îstatistikên piştrast ji niha kurd ji sedî 25 daniştvanên Îraqê pêk tinin, lewma divê 1/3 ji Artêşa Îraqê pêk binin. Lê li gor serjimêriyê Wezaretê Bergiriyê rêjeya kurdan di nav artêşê de ji sedî 8.5 e. Serokerkanê Artêşa Îraqê Babekir Zêbarî dibêje: "Di nav Artêşa Îraqê de jimara efserên kurd zêde ye, lê jimara leşkeran kêmtir e."

Avakirina balafirxana nû xelas bû Hewlêr dikare salane 3 milyon kesî pêşwazî bike

Heta niha 600 milyon dolar li balafirxanê hatine xerckirin û firîngeha daketina balafiran a balafirgeha nû ya Hewlêrê dirêjtirîn firîngeha cîhanê ye.

FERYAD MÎHEMED

Hewlêr (Rûdaw) – Karên projeya balafirgeha nû ya Hewlêrê xilas bû û komisyonek bo wergirtina vî balafirgehê hat pêkanîn. Komîsyon niha bi şirketên Emîrati û Lufthansa re têkiliyan çêdike. Rêveberê Balafirgeha Nav-

netewî ya Hewlêrê Tahir Hewramî ragihand ku firîngeha daketina balafiran a balafirgeha nû ya Hewlêrê dirêjtirîn firîngeha cîhanê ye.

Li gor axaftinên rêveberê balafirgehê Tahir Hewramî, terminala balafirgeha nû ya Hewlêrê ji aliyê şirketeke tirk ve hatiye avakirin. Tahir Hewramî

dibêje ku balafirgeh dikare salane pêşwazîya sê milyon kesan bike: "Dirêjîya firîngeha balafirgeha nû nêzîka 74 hezar metreqare ye û hemû pîvanên standard ên cîhanê tê de li ber çav hatine girtin; loma ji niha û pêde pîrsgirêka firîn û daketina firokeyan namîne. Şirketa tirk karên xwe xilas kirine."

Proje stratejîk e, divê bi hişyari û diqet pêngavên wergirtina wê bînin avêtin û sererastkirîneke hûrbîn derbarê tevahiya karên wê bê kirin."

Tahir Hewramî di derbarê butçeya ku li ser proje hatiye xerckirin de ji axifî û got ku heta niha 600 milyon dolar hatine xerckirin.

Li balafirgeha niha ya Hewlêrê, her hefte derdora 100 balafir dadikevin û difirin. Rêveberê Balafirgeha Hewlêrê bibirtine ku, li gor salên borî tevgera trafîka balafiran bi rêjeyeke balkêş zêde bûye: "Di deh mehên îsal de 149 hezar rêwî bi balafirê hatine Herêma Kurdistanê. Ji bilî barên ku bi awayê transit gihiştine Balafirgeha Hewlêrê û ji vir ber bi parêzgehên din ên Îraqê ve hatine veguhastin."

Tahir Hewramî di berdewamiya

axaftina xwe de got ku nûtirin rêkêftina wan li gel şirketeke Emîrati ye: "Me bi şirketa Fly Dubai ku yek ji navdartinên şirketên Emîrati ye li hev kiriyê û niha karûbarên wergirtina destûrê ji Hikûmeta Îraqê tê kirin." Herwiha navborî da zanin ku ew niha li gel şirketa Lufthansa ya alman ji gotûbêjan dîkin.

Li gel zêdebûna geşt û şirketên asîmanî hê nîrxê geştên asîmanî li herdu balafirgehên Herêma Kurdistanê (Hewlêr û Silêmani) zêde giran e. Rêveberê Balafirgeha Hewlêrê dibêje şirket bi xwe ji giranbûna nîrxan berpirsin û ew tenê dikarin şirketeke din binin da ku hevriki di navbera wan de dirust bibe: "Geştên Swêdê ku nîrxê bilêta çûn û hatina wê 1200 û carîna 1500 Dolar bû, niha şirketa nû hat û nîrxê wê daket 500-600 Dolaran."



Rûdaw

Xwedî: Rudaw Media GmbH · **Serokê Civata Birêvebir:** Nûredîn Weysî · nuradinwaisi@rudaw.net
Sernûser: Ako Mihemed · akopress74@yahoo.com · **Rêvebirê Beşa Kurmancî:** Faysal Dağlı · faysaldagli@rudaw.de
Rêvebirê Beşa Soranî: Hêmin Ebdulla · hemen@rudaw.nl · **Navnîşan:** Rudaw Media GmbH · Gutenbergstr. 63a · 50823 Köln / Almanya **Telefon:** +49 (0) 221.26 00 40 02 · **Telefax:** +49 (0) 221.26 00 49 81
Web: www.rudaw.net · **E-mail:** info@rudaw.de (Beşa Kurmancî) · rudaw@rudaw.net (Beşa Soranî)

“Noşîrwan wê ji girê xwe bê xwar”

Endamên Goranê dibêjin ku Noşîrwan Mistefa wê ji bo propagandaya hilbijartinan derkeve meydana û têkeve nava gel. Li gor rayedarên partiyên din wê lîsteya Goran ji bo enerjîya xwe xerc neke li Bexdayê xwe zêde nade pêş.

NEWZAD MÎHEMED

Silêmani (Rûdaw) - Despêka meha 12'an propaganda hilbijartinan Îraqê destpêdike. Li gor encamên dawî yê guftûgoya pêkanîna listeyek hevbeş a kurdan, wê lista Goran cûda bikeve hilbijartinê. Bi vê yekê ji wê pêvajoyêke siyasî û propagandayek germ, zivistana Kurdistanê dorpêç bike. Endamên Goran di wê baweriyê de ne ku niha tevgera wan di asta herî bihêz de ye û piştî hilbijartinan Kurdistanê, Goran hêzekî manewî ya bihêz peyda kiriye. Osman Banîmanî daxuyand ku êdî Noşîrwan Mistefa li girê xwe namîne û wê bê nava xelkê.

Di projeya propaganda hilbijartinan bori ya yek mehi de, Noşîrwan Mistefa heta roja hilbijartinê ji girê xwe nehat xwar. Vê yekê zêdetir hevalbendên Goran dilteng kir. Ew civîna mezin ya seetên dawî yê hilbijartinê biryar bû serokê Tevgera Goran li pêşberî zêdetirî 5 hezar kesî li girê xwe yê zirkirî go-

tarekê pêşkêş bike û pêşkêş nekir. Piştî çapemeniya YNKê ev yek wekî xalek lewaz ya Noşîrwan nişan dan.

Endamê Goranê di derbarê van gotinan de wiha axifî: “Vê carê wê Kak Noşîrwan biçe nava xelkê û biçe serdana Kerkûk û Hewlêrê jî.” Lê Osman Banîmanî çûyina nava xelkê bê sûd binav kir û wiha got: “Serokên aliyên din bi berdewamî diçûn nava xelkê û Goran ji serket.” Berpirsek di nava Tevgera Goran de jî got ku: “Çawa Kak Noşîrwan di welatê qeza û qederê de bigere.” Lê parlamenterê Goran Îsmail Seîd wiha axifî: “Ji niha û pêve wê Kak Noşîrwan bi meydana bê nava gel de.”


Li gor zanyariyên ku ketin destê Rûdawê, Tevgera Goran ji bo propagandaya hilbijartinan germ û gur ya li bajarên Kurdistanê û navçeyên cihê nakokîyan di nava amadekariyê de ne. Heta niha li Bexda ji amadekariyên pêwîst nehatine kirin. Her li gorî wan zanyariyan, endamên Goran ên Hewlêr daxwaz ji Noşîrwan kirine ku girin-

giyê bide Hewlêrê jî. Endamê Goran ê li Hewlêr Sefîn Mela Qere got: “Kak Noşîrwan wê ji ber daxwazên me bê Hewlêrê. Dema pêwîst kir emê jê re bêjin were.”

Endamê serokatîya YNKê Mehmûd Sengawî got ku YNK bi şeklekê bi xwe de çûye û ew sozên ku dane xelkê wê hemûyan bînin cih: “Kak Noşîrwan bi firotina bilêtên cenetê li Silêmani qezenc kir û piraniya kesên çûyî aliyê wî jî, ne ji bo serxistina Noşîrwan, belkî ji bo şikênandina YNKê çûne.”

Goran enerjîya xwe li Bexda xerc nake

Bi sedema sazîkirina lista kurdên Feylî, piştîguhîstina Kurdên Bexda û navîna Îraqê ya ji aliyê serokên kurdan ve, lista kurdan di nava sindoqên Bexda de şanseki xirab çaverê dike û lista Goran ji xwediyê heman çarenîvisê ye. Endamê Parlemana Îraqê û kesayetek nêzî Tevgera Goran Azad Refîq Çalak dibêje ku niha lista Kurdên Feylî heye û deng nadin lista Hev-



Noşîrwan Mistefa

(Wêne: Rûdaw)


peymana Kurdistanê: “Ew dengê xwe nadin lista Goran jî, ji ber ew li ser himê mezhebi deng didin û piraniya wan ji mezhebe Şîi ne.”

Çavkaniyek di nava Goran de jî Rûdawê re daxuyand: “Tevgera Goran

çav bernedaye Kurdên Bexda, ji ber ji wan bê hêvî bûne. Her ji ber wê ye ku Goran naxwaze enerjîyek zêde li wê derê xerc bike, zêdetir xwe bi Kerkûk û navçeyên cihê nakokîyê ve mijûl dike.”

Hilbijartinên Îraq û Kerkûkê Lîsteyek hevbeş an cuda?

Piştî du mehan li Îraqê hilbijartin heye. Lê hîn ne diyar e ku kurd bi lîsteyek hevbeş an listeyên cûda tevî hilbijartinên Îraqê bibin. Partiyên kurd di pêkanîna lîsteyek hevbeş de ne, lê lîsteya Goran bi serê xwe dikeve hilbijartinan.



42 list û kesayeti li Kerkûkê tevî hilbijartinan dibin

AKO MÎHEMED ŞIWANÎ

Kerkûk (Rûdaw) – Partiyên kurd ji bo hilbijartinê di hewldanên pêkanîna listeye hevbeş de ne, lê lista Goran bi listeye cuda tevî hilbijartinên parlamenta Îraqê û Kerkûkê dibe. Yekgirtî ya Îslamî ji bo hevpeymanîkirina hilbijartinên Kerkûkê hinek merc danine û di-

bêjin ‘dibe ku her aliyek bi awayekî cuda tevî hilbijartinên dahatû bibe.’

Berpirsê Peywendiyên Nîştîmanî yê YNKê li Kerkûkê Mihemed Osman ragihand ku bi nerîna wî baştir e Kurd bi yek listeyê tevî hilbijartinên Kerkûkê bibin, lê heta niha liser vî nehatiye lihevkirin. “Bo Kerkûkê tê xwestin berjewendiyên giştî liser hemû tiştêkî bîn

girtin lê heta niha biryareke yekaliker nehatiye sitandin ku hemû partiyên Kurdî bi yek listeyê beşdariyê di hilbijartinên Kerkûkê de bikin.”

Berpirsê lista Goran li Kerkûkê Mam Rustem bo Rûdawê daxuyand ku lista Goran biryara xwe ya dawî daye ku bi listeye cuda tevî hilbijartinên Encûmenê Parêzgeha Kerkûkê û Parlamenê Îraqê bibe. Berpirsê lista bawer nake ku ev yek ziyane bide berjewendiyên gelê Kurd û wiha domand: “Em nahêlin tu kes Kurdîtiyê bifiroşe me.”

Raya partiyên din ên Kerkûkê jî di derheqê hilbijartinên Kerkûkê de nêzîkî hev e û di wê baweriyê de ne ku kurd bi yek listeyê tevî hilbijartinan bibin wê bastir be. Lê Yekgirtû dixwaze bi hinek mercan tevî listeya hevbeş bibe. Berpirsê Liqê Kerkûkê yê Yekgirtû ya Îslamî ya Kurdistanê Rêbiwar Seydîgul behsa mercên xwe dike û wiha dibêje: “Em daxwaz dikin di dengdanê de dangan bidin listeyan, lê nedin kesan da ku cudahi dernekeve. Her wiha me daxwaz kiriye ji tu kesî piştî hilbijartinan xwe ji xalên ku beriya dengdanê tên behskirin nede alîkî. Dibe ku her aliyek bi awayekî cuda tevî

Silêmaniye li waliyekî nû digere

ELÎ HEME SALÎH

Rûdaw (Silêmani) – Biryara istifakirina Dana Ehmed Mecîd ji postê walîtiya Silêmaniyê hat qebûlîkirin û niha ji bo Silêmani li waliyekî nû digerin. Tê gotin ku YNK ji dixwaze ji tîrsa Goran bê hilbijartin ji aliyê Encûmenê Parêzgehê ve, waliyekî nû deyne. Ji bo walîtiya Silêmani navê Hakim Qadîr yan jî Şoreş Îsmail derbas dike.

Walîyê Silêmaniyê Dana Ehmed Mecîd istifa xwe pêşkeşî Serokê Herêma Kurdistanê û Serokê Hikûmetê kir û daxwaza xanîşînkirinê kir. Endamê Encûmena Parêzgeha Silêmaniyê wiha dibêje: “Nêzîkî 25 endamên Encûmenê Parêzgeha Silêmaniyê nêzîkî ji listeya Goran in û ger bi rêya hilbijartinên encûmenê navborî wali bê danin wê ne di berjewendîya YNKê de be.”

Rêveberê Asayîşê Giştî li Silêmaniyê Hakim Qadîr û Berpirsê Ofîsa Hilbijartinên YNKê Şoreş Îsmail ku nave wan wek berendamtiya walîtiya Silêmani derbasdibe endamên YNKê ne. Serokê Encûmenê Parêzgeha Silêmaniyê Kawa Evdîlla di derbarê destnîşankirina walîyê nû de wiha dibêje: “Ev tenê gotegot in û heta niha bi awayekî fermî biryara dawî nehatiye sitandin. Aliyên peywendîdar jî heta niha bo vî mebestê gotûbêj li ge min nekirine.”

Di derbarê destnîşankirina walîyekî nû de, Arîkarê Wezîrê Navxwe li Silêmaniyê Celal Kerîm jî wiha dibêje: “Serokwezîr Dr. Berhem biryar dide kî dibe walîyê Silêmaniyê û heta niha kesekî taybet nehatiye diyarkirin.”

hilbijartinên dahatû bibe.”

Listeyên ku biryar dabûn bi navê serbixwe û bi awayekî cuda tevî hilbijartinên Kerkûkê bibin, niha listeya hevbeş red nakin. Serokê lista Serbixweyan Elî Saleyî dibêje ku ew baş dibînin ku kurd bi yek listeyê beşdarê hilbijartinan bibin. Ger yek list hebe û daxwaz ji me bê kirin em jiber berjewendiyên gelê kurd amade ne hevpeymanîyê bikin, lê heta niha tu kesî bi awayekî fermî daxwaz ji me nekiriye.”

Ji aliyekî din ve endamê kampanya serjîmerîya Kerkûkê Es'ed Cebârî bo Rûdawê wiha axifî: “Em bi rêya vî kampanyê hewlîdînin ku her kesî ji metirsiyên pêşerojê agahdar bikin. Jiber parlamen û encûmenê dahatû yê parêzgehê bo Kerkûkê meseleyêke çarenûsî ye.”

Li gor agahiyên taybet bi Rûdawê zêdeyî 42 list û kesayeti li Kerkûkê navên xwe li ba Komîsyona Bilind a Serbixwe ya Hilbijartinan tomar kirine.

Ji bo lêgerînên çareseriyê kêşeya kurd TOHAV'ê panel li dar xist “Ji bo çareseriyê guhertin û tekûzkirina desturê pêwîst e”

Em ji vegotina “kurd tune ne”, derbasî vegotina “kurd hene, kêşe tineye” bûne. Xala dawî ya vê vegotinê “kurd jî hene, kêşeya kurdan jî heye.”



Konferansa TOHAV'ê

(Wêne: Rûdaw)

Rûdaw (Stenbol) - Roj tune ku li ser çareseriyê kêşeya kurd panel, seminer an çalakiyek li dar nekeve. Yek ji wan ji, hefteya ku me li dûv xwe hişt, li Stenbolê ji hêla Weqfa Lêkolînê Hîqûqî yên Cîvaki TOHAV'ê ve pêk hat û pêrgî eleqeyê mezin hat. Bi serperestîya Weqfa Lêkolînê Hîqûqî yên Cîvaki TOHAV'ê, bi beşdariya gelek rewşenbîr, nivîskar, akademisyen, sendikavan, hîqûqnas, siyasetsaz û rojnamegeran li Otêla Taksim Hillê paneleke bi sernavê “Di Kêşeya Kurd de Lêgerînên Çareseriyê” pêk hat. Axaftina vekirinê ya panela ku ji sê danîşan pêk hat, ji hêla Serokê TOHAV'ê Hakan Gündüz ve hate kirin. Beşê yekem a panelê, bi mijara “Em di çareseriyê kêşeya kurd de di çi astê de ne? Libendemayî û analîza kêşeyê” bi moderatoriya parêzer Şehnaz Turanê pêk hat. Weki axaftvan; Endamê Hîndekariyê yê Fakulteya Fen-Edebiyatê ya Zanîngeha Suleyman Demirel, Prof. Dr. Ahmet Özer, Şaredara Nisêbinê Ayşe Gökkan û yek ji gerînendeyên giştî yê Rojnameya Günlükê Ayhan Bilgen beşdarî kir.

“Ji bo vê serdemê, bar dikeve ser zanyaran”

Ahmet Özer li ser serdema 70-80 salên Komara Tirkîyeyê ji wiha got: “Bi politikayên red, înkâr û asimilasyonê kurd di bin banê entegrasyonê de bûne hedefa politikayên asimilasyonê çandî. Ev kiriyarî hikûmeta navendi, dem bi dem gava ku li gori dilan nemeşîya, bi pêkanîna rêbazên leşkerî hate dijar-kirin. Em ji vegotina “kurd tune ne”, derbasî vegotinê “kurd hene, kêşe tineye” bûne. Xala dawî ya vê vegotinê “kurd jî hene, kêşeya kurdan jî heye” pir giring e.”

Sekreterê Giştî yê KESK'ê Emir Ali Şimşek, Nivîskar Orhan Miroğlu û yek

ji nivîskarên rojnameya Günlükê Yüksel Genç, mijara “Fikra raya giştî li ser pêvajoya çareseriyê demokratîk çawa ye?” hate niqaşkirin. Sekreterê Giştî yê KESK'ê Şimşek, komên aştîyê yên ji Qendil û Mexmûrê hatine, ji bo jîholê-rakirina rewşa xitimandina siyasê, weki geşedaneke giring bi nav kir û got di pêvajoya heyî de, dema eşkerekirina “Çareseriyê Demokratîk” ya Hikûmeta AKP'yê hatiye û lazîm e bi awayêke berfireh, parvekirina wê ya bi raya giştî re bê kirin.

“Hewcedarî bi medyayêke serbixwe heye”

Nivîskar Orhan Miroğlu di destpêka axaftina xwe de got ku ew bawer nake AKP kêşeya heyî çareser bike. Her wiha Miroğlu idîa kir ku DTP û AKP pêvajoya aştîyê bi awayêke xerab bi rêve dibin û her du parti rexne kir û wiha got: “Divê siyaseta kurd ji nû ve teşe bigire. Di meseleya muxatabîyê de DTP barê li ser xwe dave.”

Rojnameger Yüksel Genç ji bal kişand ser zihniyeta yekpare û ji hin erîşên ku di demên dawîn de bi navgîniya medyayê pêk tên, minak dan. Genç diyar kir ku hewcedarî bi medyayêke serbixwe heye.

Lêkolîner û Nivîskar Altan Tan di panela navborî de got ku di pêvajoya ku ew tê de ne de, kiryarên ku dewlet û AKP dixwaze bike, gelek zelal û berbiçav in. Tan wiha got: “Serekerkan İlker Başbuğ, gava ku li Diyarbakirê bi nûnerên dezgehên sîvil re rûnişt, got, ‘ji mafên kesane re erê, ji mafên komî re na’. Îro siyaseta ku AKP dimeşîne ji ev bixwe ye.


Danişîna dawî bi sernavê “Di çareseriyê kêşeya kurd de rola aktorên divê çi be? Nêzîktêdayîna demokratîk, kiryarên pozîtîf, pêşniyarên çareseriyê” pêk hat. Parlamentera Batmanê ya DTP'yê

Ayla Akat Ata, Lêkolîner û Nivîskar Altan Tan û Serokê Baroya Batmanê Mehmet Emin Aktar weki axîfgerên dawî yên panelê bûn. Paşê parlamenter Ayla Akat Ata axîfî û got dema ku AKP dest bi karê rêveberiya pêvajoya çareseriyê kurd kirîye, ji baskeke leşkeran piştgiirî wergirtiye û rastiya vê yekê zelal û berbiçav e.

Serokê TOHAV'ê Parêzer Hakan Gündüz di derbarê konferansê de pîrsên Rûdawê bersivand.

“Armanca me ya li darxistana bi van panêlan, ew e ku em dixwazin bi zîmanek nû pîrsgerêkên xwe yên bingeşin ku girêdayî me ne niqaş bikin û bi civakê re parvebikin. Me ev panêl ji bi heman mebestê li darxist. Bêguman ev pêvajoya niha em têdene di çareseriyê kêşeya kurd de xwedî giringîyeke mezin e. Me di derbarê mijarê de bi rewşenbîr û hîqûqnasan re niqaş kir û raman û pêşniyazi-yên wan di derbarê rêya çareseriyê de vergirt. Armanca me rabûna bi erka xwe re ye ku em helwesta xwe li hemerî binpêkirina mafê mirovan diyar bikin. Bi vê têgehê em ferasata pergale darizînin. Em dixwazin di pêşerojê de li Amed û Wanê ji van panêlan li-darixin. Her wiha di sa bi aktorên saziyên mafperwer yê civakî, û tekakesî, bi giştî dezgehên netewî û navnetewî re bikevin nav pêwendiyê û bi wan re pîrsgerêkên xwe binin rojevê da ku ji bo çareseriyê bi gavên ber bi çav bavêjin.”

Tirkîye li demokrasiyê digere, lê hê gelekî jê dûr e!



Bayram Ayaz

Roja inê li Parlamentoya Tirkîyeyê rûniştineke giring pêk hat, mijara Kurdan hat axaftin. Li goreyê şertên Tirkîyeyê gotûbêjê balkêş bû û bi vê yekê tabuyekî ji hat şikestin.

Ev mijar, heta nuha li pişt deriyên, wek „pîrsa terora cudaxwaziyê“, karekî asayîşê dihat axaftin. Bi rûniştina Meclisê -ku her tişt bi rîya televizyone li pêş çavê miletê derbas bû-, hat pejirandin ku doza Kurdan mijareke siyasî, civakî, kulturî ye û hewce ye jê re çareseriyê siyasî bê ditin.

Ev yek ji bo zihniyeta tirkçî û kemalistiyê darbeyeke mezin e. Ev gotûbêjê di ketiyê nav xelkê Tirk û de berdewam be. Tiştên îro derbarê doza Kurdan de tê gotin, kê in. Lê hewce ye em vê mijarê jî aliyê Tirkîyan ve binirxînin. Tirk 86 sal bi siyaseteke vir û derewîn hat xapandin. Ev siyaseta înkârê îro tek dîçe, xelkê Tirk dibîne ku tiştên heta îro ji wan re hatiye gotin, çirok bûne û ne rast in.

Ev yek ji bo prosesa guhorîna têgihêştina civakî û zihniyeta netewî ya Tirkîyan zêde zêde giring e. AKP di vê babetê de bi rastî ji karekî pîroz dike. Mijara ku AKP navnişana çareseriyê doza Kurd nine, mijareke din e. Helbet tevgera welatparêza Kurd divê bi xwe hebe. Em nebin ne AKP û ne ji partiyeke din ya Tirkîyeyê doza me çareser nake. Lê pêwîst e, em ferq û cudahiyan nav partiyên Tirkîyeyê bibînin û li gora wê bernameya xwe daynin. Rûniştina Meclisê di vî wari de manidar bû.

Berê ji me di nîvîsarên xwe de îşaret pê dabû ku li Tirkîyeyê mijara sereke, hebûna pevçûneke kûr di nabeyna statûkoperest û hewldanên „reformxwaziyê“ de ye.

Rûniştinê roja 10 û 13ê mehê bûn delîlên vê yekê. Hem bi axaftin û hem ji bi sembol, rola hêzan xuyadikir. Roja sêşemê CHPa kemalist û ultranasyonalist bi pankartên putperestîya Atatürk li Meclisê (!) rezalet derxist. Nûnerê wan qaşo bo çareseriyê „qetliama Dersimê û ya Şêx Said“ pêşniyar kir! Wê rojê MHPya tirkçî ya turanî li ber CHP'ê gelek mulayim xuya kir.

Roja inê, CHP'ê ve rezaleta xwe berdewam kir. CHP'iyî du xortên ji rêxistina Dogu Perinçek ku nuha ji ber doza Ergenekonê di zindanê de ye, anibû ji bo protestoya AKP'ê li cihê temaşevanan bi cih kiribû. Her wisa diya askereki kuştî ji anibû. Dayika askerî ji weki xortên Perinçek demê ku nûnerê AKP'ê axaft, bi ala Tirk derket xwest AKP'ê protesto bike! Gotara serokê MHP'ê, yê CHP'ê û rengê protestoya ji cihê gohdarvanan hemi hevdu temam dikir: Tirkçî, kemalizm, şerxwazî, çeplêdan ji bo militarîzmê û statûkoperestî...

Gotinên Deniz Baykal û Deniz Bahçeli eger hinekî ji hevdu cuda be jî, lê naveroka axaftin û pêşniyariyên wan weka hevdu bû. Herdu ji bûbû zare zara wan, diqiryan, digotin: „Ev karê hûn dikin, hêrişkariyek e diji prosesa miletê Tirk, hûn pêvejoya miletbûna Tirk tek didin, hûn dibin sedem ku de hinekî din (kurd) ji bibin milet!“ Vêca zîrt û tehdîdan didan û digotin, „em de li pêşîya vê îxanetê rawestin û nehelîn...!“ Pêşniyariya wan ji ev bû: “Tekil nebin, bihelîn bila wisa berdewam be, şerê „terorê“ bikin û terorê di xwînê de bigewizînin, herkes divê xwe mensûbê nasnameya miletê Tirk qebûl bike, niyetên ji derveyê ve divê rê lê bê girtin“. Yani bi kin û kurt, siyaseta 86 salan ya înkâr û tunekirinê dewam bikin. Digotin, eger pêwîst e, em dikarin bi hevra hinekî boyaxêke nû li siyaseta rziyayî bidin.

Me rûniştinê ji serî heta dawî gohdarî kir. Karê demokrasiyê, mirovayetiye, hemdemiye li Tirkîyeyê zahmet e, jê re hê gelek gotûbêj û xebat divê. Belê, ev zahmetî hene, lê ji gelek sedeman Tirkîye li demokrasiyê jî digere. Bes, demokrasiyeke rasteqîn, yeka ku Kurd û demokrat pê razi, ji sistemeke wisa, Tirkîye hê jê gelek dûr e. Tiştê li Tirkîyê dibe, ji bo prosesa demokratîzebûnê, destpêk e. Ev bi salan e, mixabin Tirkîye hê jî di pêvejoya destpêkê de ye. Sedemeke giring tîrsa ji doza Kurd û Kurdistanê ye. Vê tîrsê feraseta piraniya rayedarên Tirk girêdaye, wan kor kirîye.

Li dawî, çend tîbîniyên kurt. Weki mirov van axaftinan dinirxîne, dibîne ku Meclîsa Tirkîyeyê gelek paşketî ye. Zanîsta demokrasiyê û rêzgirtina li normên mirovî gerdûnî (universal) gelek qels e. Mejiyê gelekî bi nijadperestî û şovenîstîya Tirk dagirtiye. Dijminahiyeke xurt beramberê Kurdan û Kurdistanê berdewam e. CHP bi destê klikeyî kemalist-tirkçî (Baykalcîyan) roleke ultranasyonalist statûkoperest pis hildaye ser milê xwe. Ev hêza ku ji xwe re dibêjin „ulusalcî“ hêzeke ultranasyonalist neo-faşîst e û parçeyek ji oligarşîya burokratik-kemalist in. Şerê desthilatê tê kirin. Hedefa wan AKP û kurd in. Di vê prosesê de du alî peyda bûne û ev yek di rûniştinê de jî xuya bû. Hevbendiyêke xwezayî peyda bûye: Hevkariya AKP'ê, liberal û demokrat û ya Kurdên welatperwer. Hewce ye tevgera Kurdewar bi zanatî û bi bername piştevanîya vê hevkarîyê bike. Dijminahiya AKP'ê doh jî îro jî ne ji berjewendiya xelkê kurd e. Axaftina Ahmet Tuürk û helwestê DTP'ê baş bû. Tevgera Kurd xwe bi çiqasî ji cepa kemalistan dûr bixe, ewqasî de jî bo miletê me bixêr be.



Deriyê sinor ê navbera Nisêbîn û Qamişloyê

Ser û binê xetê nêzî hev dibin

Di sînore navbera Suriye û Tirkîyeyê de êdî wîze nayê xwestin. Ji herdu aliyên bi hezaran kes bi hêsanî sînor derbas dikan. Ev çûn û hatina hêsan Binxet û Serxetê kir yek.

SÎRWAN H. BERKO

Nisêbîn (Rûdaw) - Roja 9ê mijdarê Almanya salvegera rûxandina Diwarê Berlînê piroz kir. Ev 80 sal in ku di navbera Tirkîye û Sûriyeyê de sinoreki bi dirêjahiya 822 km kurdên li herdu dewletan perçe dike. Îro li herdu aliyên bi dehhezaran malbat hene, ku ji hev hatine cudakirin. Ji ber xeta trenê ya diroki ya Bexdayê, ku di navbera herdu dewletan re derbas dibe, Bakurê Kurdistanê wek "Serxet" û Rojavayê Kurdistanê ji wek "Binxet" tên binavkirin. Da ku kurdên herdu aliyên serdana hevdu bikin, berê pêwisti bi wîzeyê hebû, ku ji bo wê ne tenê mesrefeke mezin pêwist bû, lê herwiha li herdu aliyên gelek astengên din derdiketin holê. Lê ji îlona isal ve Tirkîye û Sûriye biryar dan ku sistema wîzeyê bê rakirin. Me serdana dergehê Nisêbîn-Qamişloyê kir, ku li kêleka dergehê Bab el-Hewa duyemîn dergehê sinor di navbera Sûriye û Tirkîyeyê de ye.

Nêzîkî 50 kes tevi kis û çenteyên di destên xwe de li ber de-

riyê navbera Nisêbîn û Qamişloyê sekinine. Jin, mîr, ciwan û pirên dixwazin serdana Sûriyeyê bikin.

Pêwistiya Îbrahîm Hisên libendemayîna wîzeyê êdî nine, ew li Qamişloyê diji û dixwaze serdana xaltika xwe ya li Nisêbînê bike. Di rûyê Kurdê 42 salî de zû eşkere dibe bê çiqasî ew iroj kêfxweş e. Ew dibêje, bo wîze vergirtinê berê neçar bû ku biçe sefaretxaneyê Tirkîyeyê ya li Helebê. Lê ji ber ku çûna Helebê bi westandin û pir mesref bûye, ew kêr caran hatiye Nisêbînê: "Niha piştî ku wîze hatiye hilandin, pasaporta min di bîrka min de ye, kengê ez bixwazim, tîm ji derî derbas dibim û mirovên xwe dibînim."

Kesê ku ji herdu aliyên bixwaze serdana aliyê din bike, li derî wîzeyekê ji bo sê mehan distine. Di vî demê de mirov dikare li gori kêfa xwe biçe û vegere. Parêzer Îbrahîm Hisênbalê dikşîne ser dikanên bazîrganên Rojavayê Kurdistanê ku sûdê ji vî rewşa nû digirin. Ew wiha berdewam dike: "Tiştin hene li cem me, li Qamişloyê erzana in, xelkên Serxetê ji bo

stendina tiştên erzan tîm cem me. Berê rewşa dikandaran xerab bû, niha baştir bûye."

Nifusa Umer ji bi vî azadiya nû kêfxweş e. Ev xanima 33 salî ji bajarê Amûdê ye û ev neh salên wê ne ku li Nisêbînê bi kurê xaltika xwe re zewicî ye. Dayika du zarokan heta niha salê carek yan du caran serdana malbata xwe ya Amûdê kiriye. Ew dibêje ku sedema vî yekê mesrefa zêde bûye: "Cara dawîn ku ez çûm Binxetê, ez mecbûr bûm 7 hezar lîrayên Sûriye bidim. Hingê min digot 'ez heta saleke din, yan ji du salên din nema diçim wir. Ji ber ku rewşa me ya diravî ne baş e. Berê ku bavê min an dayika min nexweş biketana, min nikaribû biçûbûma serdana wan. Ez hin keşan dinasim ku ew çar deh salên wan li Serxetê derbas bûn, bê ku bikaribin xwediyên xwe yên li Binxetê bibînin."

Niha ji wîze ne belaş e lê nîrxê wê ne zêde ye. Ji bilî aliyên erênî herwiha aliyên din jî hene. Hisên Umer ji Nisêbînê ye û berî çend rojan serdana Qamişloyê kiriye. Dema Umer ji Qamişloyê bi çend kilo çayê di dest

de tê derî, da ku derbasî Nisêbînê bibe, ew rasti bûyereke ne xweş tê: "Tirkan çaya min ji min stend û hişt ku ez tenê kiloyekê bi xwe re bibim. Berê rewş ne wiha bû, mirov dikaribû li gori kêfa xwe tiştan bibe û bine."

Enûda Ehmed ji ber rewşa nû ne kêfxweş e. Ev bîst sal in ku Kurda 47 salî di navbera Binxet û Serxetê de bazîrganîyê dike. Bi çenteyekî tije alav ew iroj hatiye Nisêbînê. Ew dibêje berî ku bi destxistina wîzeyê hesan bibe, wê bêtir tişt bi xwe re dianîn. Lê rewş xerab bûye, wek ku ew dibêje: "Tirk nema dihêlin ku feyde li kesekî bibê, li aliyê Sûriyê dihêlin. Eger mirov diyariyan bi xwe re bibe xem nake, lê tiştên ticarî nema tîm derbasîrin. Zîyanek mezin digijê me."

Ji bilî kesên normal herweha karkerên ji Rojavayê Kurdistanê jî sûdê ji guhertinê digirin. Mersûma 49'an, ku serokê Sûriyê Beşar el-Esed ew berî salekê derxist, bi taybetî zîyan gihand warê avakirinê. Ji ber qedexekirina kirin û firotina malûmilkên li herêmen kurdî bê destûra dezgehên ewlekariyê hema bêje nema xani tîm avakirin.

Qebûlkirina qanûna hîlbijartinê firsetek nû ye



Mustafa Şefîq Edilbî

Piştî danûstana gelek astengan, qanûna hîlbijartinan li Parlamana Îraqê hat qebûlkirin. Li gor qanûna ku hatiye pejirandin, divê weke tevaya Îraqê, li Kerkûk û deverên din yê nêzîkî hîlbijartin bîn lidarxistin. Herwiha li gor xala 4ê ji maddeya 6'an a zagona navborî, heya ku hejmara dengderan bi temami ji aliyê komisyonek taybet ve neyê sererast kirin, encamên van hîlbijartinên li Kerkûk, an jî her devereke din, nabê minak, yan belgeyek ji bona çareserîya pirsên rêveberî, an jî siyasetî li van deveran. Her di xala 3 ya heman maddê de tê gotin, eger ku di serjimêriyê de bê xuyankirin ku hejmara şênîyan li devereke di sala 2009'an de ji sedî 5ê zêdetir bilind bûye, ew rêje nayê qebûlkirin. Ev jî weke sinorek ji bona veguhastina şênîyan jî hinek deveran bona deverên din, bi armancên siyasetî, hatiye berçavkirin. Li gor nîrxandinên siyasetî yê kurdan û derva jî, ev zagon bi vî awayî di berjewendiya kurdan de ye.


Bê guman pejirandina yasayê bi xwe jî bona kurdan xalek erênî ye. Eger ku ji aliyekî ve xwestine ku dest û lingên kurdan bi vî yasayê girê biden û rê nedin dengê kurdên Kerkûkê bibe bîngeha çareserîyê, lê berovajî vî yekê, divê astengên bi vî awayî jî bona kurdan nebîne diwarên derûni ku kurdan sist bikin. Ev zagon derfeteke girîng e ji bo ku kurd hemî ew propagandayên neyar, yê ku heya niha li dijî kurdan dihatin kirin, vala derbixe û îspata Kurdistanî bûna Kerkûkê carek din jî cihanê re bide xuyankirin. Astengkirina yasaya hîlbijartinan û derengxistina vî yasayê jî bona kurdan xaleke negatîf bû, yanî wext ji dest kurda bir. Di dest kurdan de wextek kêr heye, lê tevî vî yekê jî divê di van du mehên bîm de kurd bi şeweyekî giştî gelekî çalak kar bikin, ji bo ku hem jî bona tevayîya Îraqê, hem jî bona Kerkûkê encamên baş bi dest bixin.

Gelek aliyên neyarên kurdan dibêjin ku di hîlbijartinên sala 2005'an de kurdan jî valahiya desthilata navendiya Îraqê feyde kirine û dengên zêde bi dest xistine û di hîlbijartinên bê de wê kurd nikarin van encamên berê bistînin. Li gor nêrîna min jî, kurdan di demên derbasbûyî de nikaribûn weke pêwist bixebitin û dengê hemû kurdan bi dest bixin, nexasim li deverên ku ew dem teze ji destê rejîma Saddam rizgar bûbûn. Lê di van hîlbijartinan de derfetek baş heye û kurd dikarin bigihin her derê. Ji ber vî çendê divê kurd kar bikin ji bo ku derfeten ku dema bori jî bona Kerkûkê winda kirin, vî carê bi şereki demokrasî xurt qezen bikin. Hej rewşa siyasetî li Baxdayê tam ne zelale, aliyên ereban tam li hev nekiriye. Ev jî dibe sedem ku gelek pîlanên derva, yê li dijî kurdan, weke ku tê xwestin, nemeşin. Bi kurtî, hêj li Bexdayê valatî heye.

Serdana Serokê Herêma Kurdistanê birêz Mesûd Barzanî jî bona Ewropayê gawek girîng e ji bona bidestxistina piştewaniyê zêdetir. Lê gelekî girîng e ku kurd li Kerkûk, Mûsil, Diyala û heya li Baxdayê jî dengên baş bi dest binin. Encamên van hîlbijartinan wê deriyekî nû veke ji bona çareserîya pirsên bê bersiv. Vebûna rê li ber hîlbijartinan pêşveçûnek erênî ye, lê eger kurd giraniya xwe nedin ser vî çendê, dibe berevajî vî yekê, encam li dijî kurdan jî bin.

Hafîz Mûsewî:

Medyaya Îranê di qonaxa 'reş' de ye!



Hafîz Mûsewî

(Wêne: Rûdaw)

KAWA ŞÊX EVDÎLLA

Silêmani (Rûdaw) – Editorê Kovara daxistî Karname, Hafîz Mûsewî di hevpeyvinêkê li gel Rûdawê de baldikişîne ser rewşa xirab a ragihandinê ya di bin desthilatdariya Ehmedinejad û dibêje ku desthilatdariya niha qonaxa herî reş û tari ya ragihandinê li Îranê ye. Bi bawerîya Mûsewî ragihandina Îranê tu caran di qonaxê zêrîn de derbas nebûye, jiber rojnâmevanên Îranî dema ne li gor kêfa dewletê weşanên bikin, hemû derî jî wan re tîm girtin.

Serokkomariya Mihemed Xatemi ku di sala 1997'an de dest pê kir, wek qonaxa vekirina deriyên girti li Îranê tê naskirin. Aktîfûna sazî û rêxistinên civaka sivil û ên jin û ciwanan wek berhemê Xatemi yê reformxwaz tîm jimartin. Di serdema wî de sazî û rêxistinên civaka sivil aktîfûn û rojnâmevaniya nivîskî li gor îro bêhtir azad bû û kolanên Îranê bûbû hembêza hinek corên din ên rojnâmeyan ku deng û rengê wan jî yê berê cuda bûn. Lê di dawîya desthilata wî de Hafîz Mûsewî neçar ma rojnâmeya

xwe bipêçe û dergehê wê bigre.

Mûsewî red dike ku rojnâmevaniya Îranê di "serdemeke zêrîn" de derbas bûbe: "Li Îranê herdem wiha ye ku temenê rojnâmeyekê ne bi dilê dewletê be dirêj najo. Ji bilî rojnâmeyên wek Îtîla'at, Khan, Hmşehrî tu rojnâmeyekê din tune gihabe vir, hemû di nivê rê de hatine teqinandin."

Li gor maddeya 15'mîn a yasaya destûra Îslamî ya Îranê, mafê neteweyên ne Faris heye ku bi zimanê xwe di qonaxa seretayî de dexwendina xwe bikin, lê di rastiyê de ev madde

nehatiye bikaranîn. Mûsewî wiha dibêje: "Bê guman li gor Tehran û bajarên din ên Îranê, navçeyên kurd bi deh caran xirabtir in û di bin guşarên dewletê de ne."

Dema di sala 2005'an de Ehmedinejad desthilatdariyê xiste destê xwe, Hikûmeta Îranê dest bi girtina hin rojnâmeyan kir û û mafên ku hatibûn standin yek bi yek kêr kir. Di warê medyayê de karê Ehmedinejad ê dawî daxistina rojnâmeya bi navê Îtimad Millî ku organa partiya Mehdi Kerubî ye, girt.

Hafîz Mûsewî dibêje ku ragi-

handina azad û vekirî dema ku derfet ditibe bandoreke mezin li ser dewleta Îranê kiriye, lewre derfet nayê dayîn û temenê wan rojnâmeyan dirêj nabe."

Ev cara duyem e ku Mûsewî seredana Herêma Kurdistanê dike, di derbarê rewşa herêma de wiha dibêje: "Nikarim rojnâme û weşanan bixwinim, lê hest bi vî azadiya ramanê û nerînên cuda û çapemeniyê dikim. Lê divê bandora tradîsyonên Sunnî liberçav neyê girtin ku hinek jî wan li pêşiya rewşa nû dibin asteng."

Serokê Herêma Kurdistanê Barzanî bo Rûdawê:

Cihê bidestana mafê kurdan parlamen e

WLADIMIR VAN WILGENBURG

Brüksel – Serokê Herêma Kurdistanê li paytexta Yekitiya Ewropa (YE) li Brükselê bo Rûdawê ragihand ku herçiqasî ra û nerinên cuda di navbera hêz û partiyên Kurdistanî yên ku beşdarê hilbijartinên Parlamena Îraqê dibin hene jî, wê kurd li Bexdayê xwedî yek helwest bin.

Serokê Herêma Kurdistanê Mesûd Barzanî hefta bori bi serdaneke fermî hat Brükselê. Barzanî piştî ku li pêşberê Komîteya Peywendiyên Derve ya Parlamena Ewropayê bersiva pirsên rojnâmevanan da. Barzanî li ser pirsê Rûdawê, “ka gelo beşdarîkirina aliyên Kurdistanî bi awayekî cuda di hilbijartinên Îraqê de karigerî û desthilata siyasî ya kurd li Bexdayê kêr nake?” wiha got: “Me danûstandin di gel tevahiya partiyên siyasî yên Kurdistanê kirîye. Ji ber bîrîyar hatiye standin ku hilbijartin bi listeyên vekirî bin, êdî pêkanîna listeyê hevbêş ku hemû partiyên bi ra û nerinên cuda li xwe bigre zehmet e, lê belê di pêşerojê de li nav Parlamena Îraqê helwesteke me ya yekgirtî wê hebe.”

Piştewaniya YE bo Kurdistanê

Di dirêjîya vê geştê de ku Barzanî tê de serdana hinek welatên Ewropayê kir û li gel serokên Ewropî civiya, roja 10ê mijdara 2009'an gihişt Brüksel a paytexta YE û li wir jî aliyê Cigirê serokê Komiyona Pêwendiyên Derve yê Parlamena Ewropayê Fiorello Provera, serokê Delegasyona Îraqê ya Parlamena Ewropayê Struan Stevenson û

Jim Mcevoy ve hat pêşwazîkirin û li baregeha YE'yê gotarek pêşkêş kir. Serokê Herêma Kurdistanê di gotara xwe de behsa rola Herêma Kurdistanê di çarçoveya Îraqê de kir û ragihand ew şanazîyê bi rola Herêma Kurdistanê ve dike ku demokrasi bipêxistiye û hilbijartîneke azad pêk aniye.

Barzanî daxwaz ji YE'yê kir ku piştewaniya Kurdistanê û proseya demokrasiyê li Îraqê bikin. Herwiha daxwaz ji welatên Ewropayê kir ku zêdetir sermaye binin Başûrê Kurdistanê, nemaze di projeyê enerjîyê ya xêta Nabucco de: “Girêdana boriyên veguhastina gaza Îraqê bi rêya Nabucco di hêla Kurdistanê roleke giring li navçeyê bilize.” Serokê Herêma Kurdistanê herwiha daxwaza hevkarîyê li YE'yê kir û wiha axafti: “Damezrandina idareyeke serkeftî û sistemeke baş a tendirustî û perwerdeyê, herwiha hebûna sistemek dadwerî ya serbixwe û hikûmeteke şefaf li Kurdistanê.”

Barzanî herwiha behsa hewldanên Hikûmeta Kurdistanê yên bihêzkirina rola jinan û parastina mafên wan kir û daxuyand ku ew bi xwe bo baştirkirina rewşa jinan li Kurdistanê kar dike. Barzanî bal kişand ser siyaseta Hikûmeta Herêma Kurdistanê û parastina mafê netewên ne kurd li Herêma Kurdistanê û ragihand ku hikûmet pêdagir e li ser parastina mafên ereb, tirkmen û Xiristîyanîyên Kurdistanê.

Peywendî li gel Tirkîyeyê

Mesûd Barzanî daxwaz ji welatên Ewropayê kir ku bo domandina peywendiyên baş ên navbera Hikûmeta



Mesud Barzani li gel Serokkomarê Awusturyayê Heinz Fischer

Kurdistanê û Tirkîyeyê bikin: “Bi bawerîya min di pêşerojê de peywendiyên me li gel Tirkîyeyê digihin asteke herî baş. Di gelek waran de jî, wek civakî û aborî em hevkarîya hevdu dikin. Niha nêzikê 400 şirketên tirkî bi sermayeke dora 5 milyar Dolaran li Herêma Kurdistanê ne.”

Çareserîya pirsgerê kurd li Tirkîyeyê

Serokê Herêma Kurdistanê Mesûd Barzanî di bersiva pirsê hinek rojnâmevanên tirk de got hê zû ye ku li ser pêngavên vî dawîyê yên Hikûmeta Tirkîyeyê ku jî bo çareserkirina pirsê kurd avêtin, bê axaftin: “Çareserîyeke siyasî ya aştiyane ewqasî ne hêsan e, lê

ez piştewaniya çareserîya aştiyane û berdewambûna wê dikim.” Barzanî herwiha ragihand ku Hikûmeta Herêma Kurdistanê amade ye, di meseleya teşwîqkirina penaberên Qempe Mexmûrê bo vegeerê, hevkarî bike.

Barzanî herwiha got ku ‘nabe şer rêya bidestana armancan be’ û wiha domand: “Eger proseya siyasî li holê be, pêwistiya bikaranîna çekan namin. Divê kurd mafên xwe li parlamen û bi rêyên aştiyane û siyasî bidestxin.” Barzanî got ku guherîna siyaseta Tirkîyeyê, ku bi awayekî aştiyane pirsgerê kurd çarser bike, karekî dilxweşker e: “Ev guherîneke giring e, herwiha pêşveçûneke balkêş e. Dema te behsa

pirsa sereki kir û te hewl da çareserîyekê jê re bibîne, ti hinceta PKKê namin bo ragirtina çekan û wê berê xwe bide jiyanê asayî û aştiyane û proseya siyasî.”

Rexne li siyaseta petrolê ya Îraqê

Xaleke din ku Barzanî behsa wê kir, pirsê berhemana petrolê û dabêşkirina dahatên petrola Îraqê bû. Serokê Herêma Kurdistanê eşkere kir ku Kurdistan heta dawîya sala 2011'an bername daniye ku astê şandina derve ya petrolê bigihîne milyonek bermilên petrolê di rojê de. Ji wan 100 hezar bermilên petrolê yên ku di 1ê hezîrana 2009'an de ji Kurdistanê destpêkir û bi rêya boriyên niştîmanî yên Îraqê bo nav xaka Tirkîyê tînin şandin – bi texmîna çavdêran ev petrola Kurdistanê salane nêzîka 3 milyar Dolaran tîne nav sandoqa dahatiyên Hikûmeta Îraqê – tenê ji sedî 17ê wê vedigere Herêma Kurdistanê. Herêma Kurdistanê dixwaze Bexda mafê şirketên petrolê bide û yasaya dabêşkirina dahatiyên petrolê jî derxe.

Barzanî rexne li siyaseta petrolê ya Bexdayê girt û da zanin ku Wezareta Petrolê ya Îraqê heta niha 8 milyar Dolar bo bilindkirina astê berhemana petrolê xerc kirîye, lê got: “Mixabin astê berhemana daketîye.”

Serokê Herêma Kurdistanê rexne li Bexdayê girt ku ew gelek caran meseleya şandina beşê dahatiyê bo Hewlêr wek çekek siyasî bikartînin: “Ew pere rasterast li ser hesabê Hikûmeta Kurdistanê bînin danin û êdî bi rêya Wezareta Darayî ya Îraqê neyê şandin.”

“Bê wî jiyan gelek zehmet e”

Gülten Kaya dibêje ku hebûna Ahmet Kaya gelek mezin bû; ew piştî mirina Kaya 9 sal bê wî lê hertim bi wî re jiyaye.



Ahmet Kaya

Gülten Kaya

Köln (Rûdaw) - Hunermendê kurd Ahmet Kaya piştî 9 salan di sala kete rojevê. Hevjîna wî Gülten Kaya û gohdarên wî roja 16ê li Parisê li Goristana Pere Lachaise amade bûn. Gülten Kaya bibirani ku wan her du salan carekî berhemekî wî çapkirine û wê hewldanên wiha berdewam bikin. Gülten Kaya destnîşan kir ku ev 9 salên ku bê wî derbasbûne gelek zehmetîyan dane wê, “Jiber ku hebûna wî tişteke mezin bû, piştî ku jî nava me koç kir, valahiyeke pir mezin li dû xwe hişt. Bê wî jiyan gelek zehmet e. Min neh salan bê wî, lê bi wî re derbas kir.”

Hunermendê kurd Ahmet Kaya 9

sal berî bi boneya ku ewê bi kurdi stranekê çê bike, rastî hewildana lincê hat û neçar ma ji Tirkîyeyê koç kir. Jiyanê Kaya ya di 1957'an de li Meletiyê dest pêkirî, di 16ê mijdara 2000'an de li Parisê bi dawî bû. Hevjîna wî Gülten Kaya bi mabesta biranîna wî roja 14ê mijdare jî Stenbolê çû Parisê. Gülten Kaya ji Rûdawê re ragihand ku Ahmet Kaya bi stranên xwe jî her aliyên mirovan dani cem hev û di tevahiya jiyana xwe de bi sekna xwe ya wêrek, demokrat û mirovhez dihate zanîn, tu caran li hemberî zordariyan gotina xwe veneşart. Kaya gotinên xwe wiha domand: “Ew dibû pire di navbera kes û

gel û aliyên de. Min hertim helwest da xwe ku ew neyê jibîrkirin, ew neheqîya ku lê hat kirin divê neyê jibîrkirin.”

Gülten Kayadi axaftina xwe de pêşniyaziya Wezîrê Çandê Ertuğrul Günay û gotinên Serokwezîrê Tirkîyeyê R.T. Erdoğan bibixist û got hewldanên wan erênî ne, lê divê ew eyb û serma ku li dijî Ahmet Kaya hat kirin, divê neyê jibîrkirin. Gülten Kaya got ku ew niha naxwaze gora Ahmet Kaya bibe Tirkîyeyê: “Hinek guhertin hene, lê welatê ku ez gora Ahmet bibimê ne Tirkîyeya niha ye. Ahmet Kaya kurd bû; lê nikaribû bi zimanê xwe bisitre, ev jî eyb û şerma dewletê bû ku zimanê

Doktora ya Nebî Kesen hat weşandin

Köln (Rûdaw) - Akademisyenê kurd û nivîskarê Rûdawê Nebî Kesen lêkolîna xwe ya doktorayê weşand. Navê lêkolîna Nebî Kesen, “Pirsgerê kurd di pêvajoya tewlîbûna Tirkîyeyê ya Yekitiya Ewropa de” ye. Lêkolîn ji aliyê weşanxana Nomos Verlagsgesellschaft hat çapkirin.

Piştî weşandina lêkolînê Nebî Kesen bi awayeke fermî sifeta doktorîyê vergirt. Di pirtûkê de beşên wek: “Wek berendam tîkiliyên aborî û siyasî yên YE û Tirkîyê, pirsên taybetî di pêvajoya danûstandinê de, pirsgerê kurd di danûstandinên endametiye de, tesîrên îndirekt yên nêzikbûna YE ya Tirkîyê li ser çareserkirina pirsgerê kurd li Tirkîyeyê de bandora direkt ya YE'yê.”



Navnîşana teminkirina pirtûkê. Nomos Verlagsgesellschaft / Waldseestraße 3-5 / 76530 Baden-Baden.

gelek qedexê kiribû. Wî di salên navbera 1985 û 2000'an de hemû stranên xwe bi tirkî çêkir. Lê dema ku bi zimanê xwe xwest stranekê beje wî linc kirin, tişt nema ku anîn serê wî. Kesên ku êrişê wî kirin jî wî welatî ku digotin em jê hez dikin re wisa eyb û şermekî mezin peyda kirin ku hêj nayê paqîj kirin.”

Ahmet Kaya li bajarê Meletiyê hatibû dinyayê, lê jî ber pirsgerê kurd aborî di zarokatiya xwe de ji warê bav û

kalan koçê Stenbolê kir û demek li Komelêya Zanîstên Gel xebitî.

Piştî darbeya 1980'yan tu şirketan qasetên Kaya dernexistin. Lê Kaya tu carî dest jî tîkoşîna xwe berneda, piştî konserên gel eleqeyek mezinî nîşan da yekem albûma xwe ya bi navê, “Negirî Zaroka Min” bi derfetên xwe derxist. Album hat berhevkirin û Kaya hat binçavkirin. Paşê tîkoşîna Kaya bi vî awayî dom kir.

Sernûser û Xwediyê Kovara Zevî Arşevê Oskan:

Zevî di kovargerîya kurdî de heyamek e!


“Şertên ku li ser zimanê kurdî hatibû ferzkirin, li ser ziman û edebiyata Îsrailê nehatibû ferzkirin! Heta ji wan hatiye, bi her du destan zimanê kurdî zevt kirine. Ji ber vê yekê ye ku kurdekî Başûrê Biçûk bixwe jî, li mala xwe bi erebî napeyîve.”

SALÎHÊ KEVÎRBÎRÎ

Stenbol (Rûdaw) - Arşevê Oskan yek ji nivîskar û helbestvanê kurd yê Başûrê-Rojava ye ku nêzîkî 25 sal in xemxuriya zimanê kurdî/kurmançî dike. Di sala 1967'an de li gundekî bi navê Birkinêşê yê ser bi Dirbêşiyê hatiye dinyayê. Oskan ji sala 2004'an ve li Hamburga Almanyayê dijî. “Hêviyên Birindar, helbest, 1995”, “Kê Gul Çini, helbest, 1999”, “Berbang Qedexê ye”, helbest, 2001”, berhemên çapkiri yê Arşevê Oskan in. Gava Kovara Zevî tê gotin, Arşevê Oskan tê bira kurdin û edebiyathezan. Oskan yek ji avakar û rêveberên Kovara Zevî ye ku di nav kurdên başûrê rojava de baş tê naskirin. Zevî, di navbera salên 2001-2003'an de, di nav şert û mercên dijwar de 10 hejmar pêşkêşî xwînerên xwe dike. Arşevê Oskan, li ser kar û xebata Kovara Zevî pirsên Rûdawê bersivandin...

Kovara Zevî; yekem car li ku çap bû?

Kovara Zevî, yekem car li Birkinêşê ango li gundê ku ez lê ji dayik bûme, ji dayik bû û hejmara yekem li ser du kompûter û du amûrên çapê çap bû. Ya rast, hejmara yekem, hema beje weki hejmara ceribandîne bû, da ku em di wê de derfetên xwe binasin, bê emê karibin berdewam bikin an na? Me dit ku emê bikarin, lewre li ser wê binyadê, me berdewam kir. Ji sê mehan carekê, hejmarek derdiket. Her ku çû me hejmara çapê zêdetir kir. Heta hejmara dawiyê gihişt 800 hebi.



Avakar û rêveberên Kovara Zevî Arşevê Oskan

(Wêne: Rûdaw)

Çend hejmar derketin, weşana xwe ji kengê heta kengê domand?

Roja ku ez, Xemginê Remo û Îsa Oskan ku hinek xwendina wî di bikaranîna komputerê de hebû, me biryara derxistina kovarê wergirt, roja 10'ê sibata 2001'ê bû û me ew roj weki rojbûna kovara Zevî destnîşan kiribû. Lê hejmara yekem di dawîya adara 2001'ê de derket û belav bû. Ji sala 2001 heta dawîya 2003'an 10 hejmar derketin. Sê mehi bû. Me girani dida ser pirsariyê yoda wê, ji ber ku ev pirs xemsariyê mezin li cem xwendevanên me çekiribû. Bi vî awayî, di nav dijarî û awayê nivdizî de em gihan dawîya 2003'an.

Kesên tê de dinivîsand ki bûn?

Kesên ku li welêt dijin tê de dinivîsand. Bêwar Brahim, Mihemed Seyid Husên ku ew ji vî dawiyê bû yek ji endamê komîta kovarê û Berzo Mahmûd, Deham Ebdulfetah, Konê Reş, Dilawerê Zengî, Ferhadê Îçmo, Diya Ciwan, Ciwanê Evdal, Baran Baravî, Anahita, Xemginê Remo çend nav in ku di kovarê de berhemên wan ên heja hatin weşandin. Helbet ji derve jî, gelek caran berhem ji me re dihatin. Heta ji me dihat me cih dida berhemên wan jî. Bo nimûne, Bavê Berzan ji Pirtûkxaneyê Kurdî ya li Swêdê, Qado Şêrin, Welid Murad, Mistefa Reşid, Selim Biçûk, bi keda xwe tevli Zevî bûne.

Rêveberên kovarê ki bûn?

Ez û Xemginê Remo xwediyê hizra

derketina kovarê bûn. Heta hejmara duyem ma, paşê çû. Lê vî dawiyê Mihemedê Seyid Husên û Midas heta dawiyê bi min re man. Hinek hevkarên me ji hebûn li deverên cuda. Xoşnav, Anahita, Masûd Akko. Tevahiya aboriyê li ser piştî min bû. Di çend hejmarên pêşî de, Îsa Oskan alikariya min kir.

Zevî di nav şert û mercên çawa de dihat çapkirin?

Şertên ku li ser zimanê kurdî hatibû ferzkirin, li ser ziman û edebiyata Îsrailê nehatibû ferzkirin! Hê ji zimanê kurdî qedexê ye û nayê pejirandin. Heta ji wan hatiye, bi her du destan zimanê kurdî zevt kirine. Ji ber vê yekê ye ku kurdekî Başûrê Biçûk bixwe jî, li mala xwe bi erebî napeyîve. Me odeyek ji xwe re cihê kiribû û hemû alavên ku mirov karibe pirtûkan çêke, lê bi cih kiribû. Ji kompûteran bigire heta meqesên ku pê pirtûk tene birin. Me ji tirsê kontrolê, piştî temamkirina her 50 hebi, me ew direvandin cihêkî din. Her ku wê hejmarek derket, hêzên ewlekariyê dihatin cem min, lê min xwe li tiştêkî nedikir xwedî. Demên dawiyê tendirustiya min nema rê dida van xebatan. Ez du caran ketim destê wan. Di destê wan de diketim rewşekî pir xerab ku neyê serê tu kesî.

Kovar bi fermî, bi destûrî dihat çapkirin an bi awayê nelehî?

Di diroka dewlata Sûri de, bi awayê fermî, tiştêkî bi kurdî nehatiye çapkirin. Ez dikarim bi rehetî bibêjim, rewşa girêdahi bikaranîna çand û azadiya nivîsa bi kurdî, ji her çar perçeyên

Kurdistanê, xerabtirîn rewş, rewşa li başûrê rojava ye. Heta niha destûra belavokeke bi zimanê kurdî bixwe jî, nehatiye pejirandin. Rûpelek dikare bibe sedema ku xwediyê wê bi salan bê dadgehkirin û di zindanan de birize. Ligel ku rewş wiha ye, disa jî bi dehan pirtûk çap dibin. Ew ji zanin ev mafekî xwezayî ye ji bo me. Lê mixabin, heta ji wan tê nahêlin.

Tiştên ku Zevî ji xwe re dikirin armanc çi bûn? Kovarên ku dabû ser şopa wan hebûn gelo?

Helbet karê rojnamegeriyê yan ji kovargeriyê li ser bingeh û ezmûneya dur û dirêj bi pêş dikeve. Ji aliyekî ve ku ev pêvajoyê li diwarekî raneweste, ji aliyê din ve ku bi xwe re tiştên nû, nîşên nûjen biafirîne. Li tevahiya dinyayê ji rewş wisa ye. Helbet me kovara Hawarê nedîta, an me kovarên dane dîv wê şopê nexwenda, nepêkan bû ku me Zevî derxista. Heta ji me dihat, me dixwest em rengintir bikin.

Tu bêriya xebata wan rojan dikî?

Çawa nakim? Karên ku mirov bi bawerîya xwe bike pir şêrin in. Karê Zevî ji bo min wiha bû. Zevî di kovargerîya kurdî de heyamek e. Di jiyane de tiştên çawa ne dizani? Tiştên wisa ku piştî mirinê, min jindar dikin û min ew di jiyane de ji wekî name ji xwe re hilbijartine. Bêyî wan xebatan û deman ez ne tiştêk im.



Di 70 saliya xwe de Dr. Cemşîd Bedirxan Jiyan û mirinek sirgûnî

“Yekîtiya kurdan bide min, ez Kurdistanê azad bidime te”

KONÊ REŞ

Qamişlo - Di 9'ê mijdara 2009'an an de, bi amadebûna Nêçîrvan Barzanî û hejmarek mezin ji berpirsên hizbî û hikûmî, merasîma 100 saliya Şahjina Kurd Rewşen Bedirxan li bajarê Hewlêrê hat lidarxistin û di bin dîrîşma van gotinên wê de hat piroz kirin: “Yekîtiya Kurdan bide min, ez ê Kurdistanê azad bidime te.”

Diviya bû ev biranin di roja 11'ê ilona 2009'an de bihata lidarxistin, di roja jî dayik bûna Rewşen Xanim Bedirxan. Lê wek wefadari û rêzgirtin ji giyanê Dr. Cemşîd Bedirxan re, yê ku di roja 9'ê mijdara 2009'an de, 70 sal di ser jidayikbûna wî re derbas dibe, ev biranin bi paş de hat xistin, da ku herdu biranin têkevin yek rojê, anku roja bûna Dr. Cemşîd Bedirxan de.

Jiyana Dr. Cemşîd Bedirxan

Dr. Cemşîd Bedirxan kurê Mir Celadet Ali Bedirxan û Rewşen Bedirxan

e. Ew di 9'ê mijdara 1939'an de li Şamê ji dayik bûye û her wiha lê mezin bûye û xwendina xwe ya seretayî lê qedandîye. Li Libnanê jî xwendina navendi xwendiyê û dawî li Şamê di xwendin-geha amerîkî û orlodoxî de xwendina xwe a lise bi dawî aniye. Di sala 1958'an de li ser wasiyeta bavê xwe Mir Celadet Ali Bedirxan ji bo xwendina bijîşkiyê çûye Almanyaya Rojava.

Li Almanyayê, di sala 1959'an de, dest bi xwendina bijîşkiyê kiriyê û di sala 1968'an de bi pileyê baş doktoraya xwe di bijîşkiyê wergirtiye. Her wiha di gelek nexweşxaneyên Almanyayê de û nêzîkî du salan jî di nexweşxaneyên Parîsê de karê bijîşkiyê kiriyê. Ji bo xizmetkirina gelê Kurdistanê û vekirina nexweşxaneyêkê taybetî, di tirmeha sala 1970'an de piştî beyana 11'ê adarê serdana başûrê Kurdistanê kiriyê, da ku li bajarê Hewlêrê nexweşxaneyêkê taybet veke. Lê mixabin ji ber astengiyên sistema hikûmeta wê demê, pro-



Dr. Cemşîd Bedirxan tevî keça xwe Evin

jeyê wî pêre neçûye serî û carekê din ziviriye Almanyayê. Dema ku şoreşa Barzanîyê nemir dest pê kiriyê, wî jî rola xwe listiyê û bi dermanan û pêdiviyên tendirustiyê alikariyên ber bi çav ji tevgera Kurdistanê kiriyê.

Her wiha Dr. Cemşîd Bedirxan kar di damezrandina Komeleya Xwendekarên Kurd li Şamê kiriyê û wiha jî di komeleya Xwendekarên Kurd li Almanyayê de kiriyê, hem jî di rêxistina Partiya Demokrata Kurdistanê, şaxê

Ewropayê de kar kiriyê. Vê paşiyê jî ber rewşêkê taybetî dev ji kar û çalakiyên siyasi berdaye û êdî giringî daye karê xwe yê tenduristiyê.

Di salên 1985 û 86'an de Dr. Cemşîd Bedirxan bi nasnameyêkê din û bi navêkî din yê veşartî, seredana cih û warê bav û kalên xwe, Cizira Botan, dike. Nêzîkî du mehan li bajarê Şirnex, herêma Botan û gelek bajarên Bakurê Kurdistanê digere. Her wiha ji bo derfeteke xebatê, lêkolîn û hevdiyanan pêk tîne. Lê mixabin li wir jî ji ber bindestîya welat û astengiyên dewleta Tirk nikare li wir zêdetir bimîne û disa bi neçari vedigere Almanyayê.

Dr. Cemşîd Bedirxan di roja 19'ê ilona 1975'an de li gel Michield xanim dizewice û du zarokên wî yên bi navê Kurd (Curd) û Evin çêdibin. Kurd û Evin herdu li Almanyayê dijîn. Dr. Kurd xwendina xwe ya bijîşkiyê qedandîye û niha di nexweşxaneyên Almanyayê de dike. Evin jî li Almanyayê xwendina pedagojî qedandîye û li wir kar dike û li gel Jiyan Bedirxan tevli jiyana hevjiyîyê bûye.

Dr. Cemşîd Bedirxan di roja 10'ê kanûna 1999'an de li Brezilyayê koça dawî dike û termê wî li bajarê Koblenz yê (Almanyayê) dispêrin axê.

Dr. Cemşîd Bedirxan ji derveyî zimanê kurdî, zimanên erebî, inglîzî, fransî, almanî, tirkî û portogali bi awayê baş dizani bû.



(Wêne: Rûdaw)

“ Rengê bingehîn li cem min rengê sor e, rengê sor du rûyê xwe hene, yek jê germî hezkirin û evîn e. Rûyê din jî jan, çavreşî û nefret e. Rengê sor di nav xebatên min de cihê xwe diyardike li kû û li kîjan rûyê bikarhatiye. Ez ji sor hezdikim û ji durve mirovan dikşînê xwe. Tabloyên ku bi rengê sor nigarkiribin pozitif an negatîv jî bin dîsa zindî ne. ”

Şêwekar Hasan Hüseyin Deveci:

RENG Û FIRÇEYA MÎN, HÊZA RÎHÊ MÎN E

RÛKEN ÖZMEN

Köln (Rûdaw) – Şêwekariya wêneyan hizrên veşartî, şikestî-nên hindurî, qêrîna kûrahiya dil û helwesta ramanê ya rengên cûr bi cûr e. Dimenê bê giyan li singê diwaran daleqandî xwe dide nişandan. Tablo carna axina dayîkekê, carna bi serkê-şîya dilana keçekî li cihên cuda me vedixiwe nêrîna xwe. Bi figur û peyamên xwe, me bi xwe re didê ponijandin li ser rabirdu û dahatuyê. Me bi vê mebestê xwest fikra şêwekar Hüseyin Deveci bigrin û di derbarê hunera wî de pêre biaxifin.

Bawer dikim ku zarokatiya insan li ser jiyana û hunera wî bandorê dike. Zarokatiya we di nava atmasforeke çawa de derbas bû û çi bandor li ser hunera we kir?

Ez kurdeki Anatoliya Navin im û ji herêma Konyayê me. Zarokatiya min ne zehmet bû, em malbateki pir şên bûn, neh zarokên malbetê hebûn, ez yê heştêmin bûm. Zarokên hem-salên min bi topê dilistî û ji tîlan erebok çêdikirin. Lê min xwe tim bi tenê his dikir û bi tena serê xwe ji heriyê figurên cûrbicûr çêdikirin. Xwişkeke min ji Almaniya wê demê ji min re diyariyek anibû ku ji 99 rengên cûrbicûr pêk dihat, ew tişt bandoreke gelek mezin li ser min hiştibû. Bi wan rengan ez ji çekirîna heriyê derbasî çekirîna resman bûm, min dixwest her tiştên cuda çekim lê ez ne di tîgîha ku ezê çî çêbikim de, bûm.

We kengî dest bi şêwekariyê kir, sedema ku hûn ber bi vî aliyê hunerê ve taf dan çî bû?

Dema ez di lîsêda bûm ku min resim çêdikirin mamostê min digot tu baş çêdikî û ez motive kirim. Tim daxwaza çekirîna resma hebû lê derfetê min nebûn ku li ser kûrbibim. Berî 10 salan li pêşengehekê min profesorek naskir û hin şîret jê wergirtin, çendî ez di beşa şêwekarayê de ne xwedî agahî-bûm jî, lê min dest pêkir û ji bo



Hesenkeyf

xwe heta demekî resim çekirin. *Mebesta we ji nigarkirîna tabloyan çî ye? Ji bo kê, ji bo çî hûn firça xwe li nav renga dixin û dilivînin?*

Bûyerên li derdorê diqewimin cihana wek ji derve bandorê li cihana min a hundirîn dike û ev ji encama wê yekêne ku derdikevî holê. Dixwazim bi azadi girêdayî kok û çanda xwe hunera xwe pêşkêş bikim û xwe bigihînim hemû çîna civakê çendî zor be jî, lê daxwaz û armanca min ev e.

Tabloyên we bi tevger in, taybetiya vê çî ye gelo?

Ji xwe di jîyanê de hemû obje bi tevger in, ne dilniwazîn e (cazibe) lewma ez tim tabloyê xwe bi tevger çêdikim; balkêştir e û bi tevgerên xwe peyama xwe dide. Hunera rawestî sar e û balê nakîşîne.

Ji bo çî jîn di tabloyê we de pir ci digrin, ne xweza an lawir?

Li seranserê cihanê ne wekhevîya jîn û mîran heye bi taybetî cihê em jê tînin zêdetir e; ev jî, gelek bandor li ser min dike, li aliyê din jî hevaltiya min û da-

yika min pir baş bû, ev jî dibe sedemê ku di bin bandorê de dimînim. Ji xwe li ber çava diyar e ku jîn ji mîran bi estîtetiktir in, belkî sedem ev e ya ku bêhtir cih didim figurê jinan.

Rengê hûn bi kartînin giran in; alaqa vê yekê bi hestên malankolik ve heye?

Belê, lê dawiyê karê min bikaranîna rengan e, gelek şêwekar bi rengê xwe tîne nasîn, lê girêdana rengan û hissa bi hev re heye, rengê navîn û yê bingehîn hene. Lewma ew rengê se-reke pirtir tîne bikaranîn û giraniya xwe diyardikin. Rengê bingehîn li cem min rengê sor e, rengê sor du rûyê xwe hene, yek jê germî hezkirin û evîn e. Rûyê din jî jan, çavreşî û nefret e. Rengê sor di nav xebatên min de cihê xwe diyardike li kû û li kîjan rûyê bikarhatiye. Ez ji sor hezdikim û ji durve mirovan dikşînê xwe. Tabloyên ku bi rengê sor nigarkiribin pozitif an negatîv jî bin dîsa zindî ne.

We di tabloyek xwe de Hesenkeyf ji nigarkirîye we figura xwe ji zargotîna kurdî wergir-

tiye. Dibêjin kesek bi navê Hesen li hespê xwe siwar bûye û li nava Hesenkeyfê geriyaye û xelkê gotiye "hesen keyf-kirîye" êdî navê wî bajari bûye Hesenkeyf?

Nexêr, min ev gotegot nebihistiye, mixabin hina derfetên ditîne min a Hesenkeyfê ji çene-bûye. Ev bajarê xwedî diroka bi hezaran sal e û dixwazîn di bin avê de bihêlin, min gelek caran bi imzeyan û bi çalakîyan pişt-giri kir. Lê ev jî bo min nebes bû lewma min xwest bi bi nigarkirîna tabloyekî û bi xeyala xwe pişt-girîyê bikim û ez bi cilên spi li hespê boz siwarbûme û diçim Hesenkeyfê xilasbikim.

Hûn Mem û Zînê çawa tarîf dikin?

Di Mem û Zîn de evîn û kîn heye, bawerî û zordestî heye. Bi qasî ew heq dikin me ew şîrove nekirine û bikar neanîne, ne di şanoyê de, ne jî di şêwekariyê de, yan Zîn heye yan Mem heye, an jî Mem heye Bêko nine an jî me bi awayekî klasîk bikaranîne. Min destpêkê pir lêkolîn li ser Mem û Zînê kir. Paşê min

nu tabloya Mem û Zînê bi şêweyekî modern nîgar kir. Hina di cihana me de Bêko pir in, bi hêviya dahatuyek Bêko.

Li Rojhilata Navîn bi taybetî di alema Îslamê de texlîdkirîna guneh tî dîtin, li gel vê yekê ji mirov dikare asta hunera şêwekariya Rojava ya îro çawa destnîşan bike?


Bi taybetî ji ber bandora Îslamê ku şêwekariya wekî guneh tî

ditin, bi dîzi şêwekariya çêdibû û dereng destpêkir. Ev destpêk jî ne wek ê rojava bû, bêhtir hunera kalîgrafî dihatê bikaranîn, ew jî li mîzgeft û cihên ibadet lê tê çekirin. Hunera destan hebû, wekî neqş-xêz, ev jî bû sedem ku Rojhilat teqlîda Rojava bike. Lewma ez dixwazim hûr û kûr bi motivên Rojhilat û bi yê Rojava ve bi vî awayî stilekî biafrînim. Motiv jî Rojhilat bin, reng jî ji Rojava bin. Minak dema ez tabloyekî figurên govenda kurdî bi cilûbergê kurdî bi karbinim klasîk dimîne. Lê dema nav resen be, govend orjînal be, lê lixwekirin cil û bergan modern be wê bêhtir balê bîkşîne û bê naskirin. Tabloya min a govendê bi wî awayî hate holê. Nav resen e, lê cilîk modern in, biyani dema dibînin pîrs dikin 'ma wateya govendê çî ye' û bi vî awayî ez folklor û çanda me bi rêya vî peyva 'govend' vedibêjim û didime nasîn.

Projeyên we yê pêşedemê çî ne?

Meha donzdehan ezê dest bi dayîna du kursên şêwekariyê bikim. Yek jê ji kursa muzîkê ye. Di 2010'an de emê festivalekî li Stenbolê lidarxin, bi navê 'hev-kariya navbera çandan' û gelek şêwekarên biyani wê tevî bibin, bi taybetî ji Almaniya. Ez di xwazim pêşerojê li Amedê pêşengehan an jî festivalekî lidarbin.

HASAN HÜSEYİN DEVECİ KÎ YE?



Hasan Hüseyin Deveci (Malmime) şêwekarê kurd di sala 1972 'an de li gundekî Konyayê li ji dayîk bûye. Di Sala 1994'an de koç Almaniya kiriye. Xwendina xwe ya şêwekariyê li bajarê Kölnê qedandiye. Deveci heta niha beşdarî çendîn pêşengehan bûye û bi şêweyê xwe bal kişandiye. Deveci îsal tevî sêzdeh hunermendên ji herçar beşên Kurdistanê yekemcar beşdarî pêşangeha navnetewî ya Vênedîgê Biennalê bû. Pêşangehê wî li bajarê Köln û li bajarê din ê cûrbicûr her berdewam in... Deveci niha tevî malbata xwe li Kölnê dijî û kar dike. Ew endamê çendîn rêxistinên şêwekarên navnetewî ye, wekî IGBK, Association Internationale des Arts Plastiques û AIAP ye.



Seroka Epidemê Rozan Karaman

MEHMET SEBATLI

Saziya Epidem li bajarê Amedê ji sala 2003'an heta iro pêşî di nav sinorên şaredariya Yenîşehîrê de, dû re li temami Amedê û paşê ji li gund û navçeyan bi riya anketan xebatên xwe didomine. Epidem ango navenda perwerdê û alikariya psikolojîk ji bo jinan. Rozan Kahraman ev çar sal in ku serokatîya Epidemê dike. Ew li Zanîngeha Dicleyê beşa sosyoloji qedandiye. Kahraman dibêje ku piştî koçbûnan ji gundan Amed bê plan gelek mezin bûye: "Ji sedî 61.4 jin bi riya koçbûnê hatine Amedê. Gelek ji wan nikarin bixwinin û binivîsinin, xediyê gelek zarokan e. Herwiha ji sedî 68.2 niştecîh di bin sinorê feqîriyê de dijîn."

Epidem kengê û bi çi armancî hatiya avakirin?

Epi-dem di sala 2003'an de li Amedê hat avakirin. Wek tê zanîn şerê ku li herêma kurdan hat meşandin li ser mirovan di gelek alîyan de bandorên giran bi xwe re anî. Di ancama vî şerî de bi milyonan ji warê wan koç kirin; gelek kes di bin çavan de îşkence ditin, dest li jinan hat direjîkirin, zarok û zîlamên xwe winda kirin. Beriya hertîştî koça bê dil a zordari li ser mirovan hertim pîrsgirêkên civakî û psikolojîk pêktine. Van pîrsgirêkan li ser jinê bêhtir dibin xwediyê bandor û pê re travmayan çêdikin. Saziya me bi armancê alikariya jinê da ku karibe li hemberê van pîrsgirêkan derkeve, kete rê.

Ji bo ewqas alikariyên berfireh gelo endamên we ji hene?

Belê, gelek endamên me hene. Di saziyê de ji bilî min gelek karmendên me yên bi dil û xwediyê tecrûbê hene.

Hûn tenê li ser jinan xebatê dikin?

Belê, bi giranî li ser jinan em dixebitin. Lê bi riya perwerdê em digihin hemû malbatê ji. Hinek jin ji bo şewirmendiya psikolojîk dema ku serî li me

didin em hewce bibinin banê hevserê wan ji dikin. Ji bilî wan, di çarçova "Bernameya Malbata Min" de em têkiliya dê û bavên zarokan re dinirxînin û em mehê carekî bi taybetî bi bavên zarokan re ji diaxîfin. Di van civînan de em bingeha axaftinê saz dikin da ku zarok bi dê û bavên xwe re bi hesanî karibin biaxîfin. Jiber vê em dikarin bêtîr ku Epidem ne tenê bi jinan re mijûl dibe, lê bi malbatê re jî.

Hûn karê xwe tenê li Amedê dimeşînin?

Naxêr, em bi bernamêyên psikolojîk, civakî û dadê de diçin navçeyên Amedê jî, herwiha ji wan deran jî jin serî li me didin. Agahiyên li ser zordari, kuştin û xwekuştinên ku ji gundan û navçeyan digihin destê me em di heman demê de tevdiagerin û imkânên xwe didine bin xizmeta wan.

Imkânên çawa?

Jinên ku jiyanê wan di bin xeterê de be û jê re cihê hewandinê lazîm be, em dikarin alikariya wê bikin.

Hûn bi xwe sosyolog in û ji Amedê ne. Di 30 salên 1999 û 2003'an de gelek jin an xwe kuştin, an jî ji aliyê xizmetên xwe ve hatin kuştin. Li ser van kuştinan gelek lêkolîn ji hatin kirin. Gelo sedemê van bûyeran çi bû?

Ew kuştinên ku di navbera salên 99-2003'an de pêkhatin mirov nikare tenê bi sedemêkî ve girêbide. Gelek sedemên cûr be cûr wek aborî, civakî, olî, psikolojîk û hwd hene. Lê mirov dikare bêje ku şerê ku li herêma kurdan hat meşandin di kuştina jinan de sedemê herî girîng e. Ji gelek deveran mirovan koçê Amedê kirin û bajar di demeke kurt de û pê pîlan gelek mezin bû. Ev bû sedemê şideta nava civakê. Lê sedem ne tenê ev e jî. Ji diroka, ji rayên civaka kurd, ji çanda me jî gelek sedem hene. Gelek sedemên wiha digihin hev û li ser jinê de travmayê çêdikin.

Li gor îstatîstîkên di destê we de gelo

Seroka EPIDEM'ê Rozan Kahraman:

Ji sedî 61'ê jinên Amedê koçber in

"Di 5 salên dawîn de li 81 bajaran 1100 bûyerên kuştina jinan pêkhatine. 322 bûyer bi hinceta 'namûsê' hatine kirin."

çend jin wiha xwe kuştin, an jî hatin kuştin?

Ez bi xwe hertim di vê mijarê de naxwazim bi hejmaran li ser mirina jinan biaxîfim. Ji bilî sedemên şexsî, hin sedemên din jî hene. Minak di bûyerên kuştinan de malbat hertim sedemê rastî vedîşêr. Lê li gor lêkolîna ku Parlamena DTP'ê Ayla Akat Ata bi riya Komisyona Parlamenê kiriye û li gor îstatîstîkên Muduriyeta Polis di 5 salên

civakî yê sivil neyê jibîrkirin. Ev saziyên navborî di destê wan de gelek belge û daxwazname gelek caran çûn ber deriyê parlamenê û pîrsgirêka jinan destnîşan kirin.

Hûn çawa xebatên xwe dimeşînin? Endamên we li kolanan mal bi mal digerin an jin tenê serê li we didin?

Epidem bi Şaredariya Yenîşehîrê ve girêda ye. Di sinorên vê şaredariyê de ez dikarim bêtîr ku em li hemû taxan

û em tevî gund û navçeyan li hemû Amedê tîrî naskirin. Saziyên wek Selis, ÎHD, baro û hwdin jinên ku pêdiviya wan ji alikariya psikolojîk hene, rêdîkin cem me.

Hûn dikarin jinên ku li Amedê dijîn kategorîze bikin? Minak çiqas ji wan dikarin bixwinin û binivîsinin, çiqas ji wan karê dikin, çiqas ji dundan koç kirine?

Li gor xebatên me yê li 7 taxan der-



Li Epidemê rayedar pîrsgirêkên jinan derdixin holê, wan perwerde dikin û alikariya psikolojîk didin wan.

dawîn de li 81 bajaran 1100 bûyerên kuştina jinan pêkhatine. Ji van 322 bûyer bi hinceta 'namûsê' hatine kirin.

Wisa xûya dike ku kuştinên jinan hîn jî hene, lê kêma bûne. Gelo sedemê vê çi ye?

Rast e, hîn jî ev kuştin didomin lê wek we jî got kêma bûne. Di van salên dawîn de li ser kuştinên jinan gelek saziyan xebat meşandin, gelek zanîngehan lêkolîn kirin, rayagîştî hat avakirin. Ev jî bû sedemê kêmbûna bûyerên kuştinê. Divê keda saziyên jinan û saziyên

û kolanan geriyan û me saziya xwe bi jinan da naskirin. Di xebatên me de derket holê ku gelek taxên di nav sinorên Yenîşehîr de bi koçên ji gundan avabûne. Di xebatên xwe de em giraniyê didin anketan. Bi riya anketan em jinan, malbatan, rewşa wan a civakî û aborî baş derdixin holê. Gelek encamên îstatîstîk ku niha di destê me de hene hemû jî bi riya anketan derketin holê. Jiber ku Epidem li Amedê navenda alikariya psikolojîk a yekem e, niha sinorên xebata me berfireh bûye

ket holê ku lejneya ji sedî 57.1'ê jinan bê xwendin û nivîsandinê ne; lejneya ji sedî 61'ê tenê dikarin bixwinin û binivîsinin; ji sedî 95'ê wan jinên malê ne; jiber ku perwerdeya dirêj neditine gelek ji wan di destê wan de tu kar tune. Di malbatan de ji sedî 68.2 di bin sinorê feqîriyê de dijîn. Ji sedî 61.4 jin bi riya koçbûnê hatine Amedê. Di nav wan de lejneya ji sedî 20.4 jiber ku gundan wan hatiye sewitandin û xirakirin; lejneya ji sedî 23.3 jiber pîrsgirêkên aborî koç kirine.

Kurd dîsa bi cînayeteke "namûsê" li ber dadgehê ne

Gulsum sala borî xwe spartîye saziyên û alîkarî wergirtiye, li cihekî nependî malek jî girtiye, lê dîsa hat kuştin

Kleve (Rûdaw) - Ji bo "namûsa malbatê bê parastin" rûyê spehî yê Gulsumê bi lêdanê pelixandine. Şewaza wê ya jiyane li dijî dabûnerîten malbata wê bûye. Gava bavê wê pê dihesa ku keça wî bi dîzi zarokê jî ber xwe birîye, biryara kuştina wê dide. Dozger di vê baweriyê de ye.

Brayê wê û nasekî malbatê jî aliyê dozgeriyê ve bi tawana kuştina Gulsum Seminê tene dazandî. Ji roja inê ve bav, kur û nas jî ber tawanbariya kuştina hevbeş li hember dadgeha bajarê Kleve tîrî lêpirsin. Ji aliyekî ve roja inê bavê Gulsumê bi parêzerê xwe tawanbariyan reddîke, ji aliyê din ve parêzerê kurd wî dide zanîn ku malbat

hez nake di der barê van tawanbariyan de tişteki derbire. Bavê Gulsumê yê 49 salî bi piraniya deh zarokên xwe li bajarê Reesê diji. Malbata wî jî Tirkîyê hatiye Almanyayê. Di dadgehê de bavê Gulsumê bi tirkî diaxîve û li werger pêdivî ye. Bavê Gulsumê dibêje ku berê jî wî keça xwe hişyar kiriye ku li div rêbazên Îslamê biçe.

Keça kurd a ciwan jî ber şeweyê xwe yê jiyane gelek caran li gel malbata xwe pîrgî pîrsgirêkan hatiye ku dawîya wan gelek caran tundi û tujîti bûne. Sala borî xwe spartîye saziyên şarwer û alîkarî wergirtiye. Her wisa li cihekî nependî malek jî girtiye.

Birayê Gulsumê bi hinceta ditina bi-

sikleta xwişka xwe ya 20 salî, di 2ê adarê de gazi Gulsumê dike rêçikeka terkîrî. Ji pişt ve benda cilan li stûyê xwişka xwe dike û Gulsumê pê difetîsîne, hindî ew jî hişê xwe ve biçe. Paşê birayê wê û nasê malbatê bi çovan li Gulsumê dixin, heta ew jiyanê xwe ji dest bide. Gava birayê wê seh dike ku Gulsum miriye, cizdanka wê digire, da rûdan wek kuştina şelandinê bibeyite.

Nasê malbatê ku ew jî tawanbar e, dûmahika adarê hatiye girtin, ji ber ku bişkoka qapûtê wî ya bi xwîna Gulsumê keti li cihê bûyerê hatiye ditin. Gava brayê qurbana 20 salî dikeve hundirê dadgehê, çakêrê xwe yê reş berew jor kişandiye da serê xwe pê bi-

nixumîne. Wî dibistana navîn kuta kiriye û piştî hingê li karekî demî şixuliye. Bavê porspi her wisa dide zanîn ku ew baş bi nivîsinê nizane.

Di heman demê de li cihê rûdana xwînî şûna bibiraninê hatiye pê. Kesên şindar kulîlkên ter û teze û firîşteyeka biçûk jî bo Gulsumê bi cih kirine. Her wisa li ber darekê çend wêneyên bibiraninê danine ku keça ciwan bi gîrnijînê nişan didin.

Balkêş bû di dadgeha kuştina Gulsumê de hiç saziyeke jinan an jî jinên kurd amade nebûn. Di roja yekem ya dazandîne de sinifeke dibistana serete 'ji bo nasina prosesa dadgehê' wek temaşevan hatibûn mahkemê.



Gulsum Semin

Bavê Îhsan Fettahyan:

Ez êdî çî bêjim, kurê min ji destê min çû

Rayedarên Îranê dibêjin ku li welatê wan bi mabesta sûcên siyasî tu kes nayê sêdaredan. Lê Fettahyan roja 11'ê mijdarê hat dardekirin.

SABÎR QADIRÎ

Sine (Rûdaw) - Tevli nerazîbûna gelek rêxistinên navxweyî û navnetewî yên mafê mirovan, girtiye Kurd e siyasî Îhsan Fettahyan li Rojhilatê Kurdistanê, li zindana navendî ya bajarê Sine hat dardekirin.

Di hejmara derbasbûyî ya Rûdawê de, balyozê Komara Îslamî yê Hewlêrê Seyd Ezîz Hûsenî gotibû ku li Îranê tu kes ji ber sûcên siyasî nayê sêdaredan. Lê sibeha roja 11'ê mijdara 2009'an girtiye kurd e siyasî Îhsan Fettahyan li Sineyê, hat sêdaredan.

Îhsan Fettahyan çalakvanekî siyasî yê girêdayî PJAK'ê bû. Fettahyan sala derbasbûyî ji

aliyê hêzên Komara Îslamî ve li Kamyaran hatibû girtin û bi wê yekê hatibû gûnehbarkirin ku tevli kiryarên çekdari yên li diji Komara Îslamî bûbû. Fettahyan ji aliyê baskê yekem e dadgeha şoreşê ya bajarê Sine ve bi hikmê 10 salan hatibû cezakirin. Lê piştî ku parêzerê Fettahyan ceza itiras kir, cezayê sêdaredanê lê hatibû birin.

Li gor daxuyaniya ku berdevkê rêxistina mafê mirovan yê Kurdistanê Îclal Qewalî niha 12 girtiyên kurd yên siyasî li benda hukmê sêdaredanê ne. Qewalî got: "Piştî sêdaredana Îhsan Fettahyan, pêlek nû li sêdaredana girtiyên kurd ên siyasî tê çaverêkirin. Ev biryar bi xwe dijberî maddeya 258 e. Qanûna

cezadanê ya Komara Îslamî a Îranê rê nade ku cezayê gûnehbarek li dadgeha pêdeçûn bi wişekî bê zêdekirin." Navborî rexne li parêzerê Fettahyan ji girt û got: "Mixabin parêzerê Îhsan nekari ji bo rizgarkirina giyanê wî ji wê qanûnê sîd werbigire"

Parêzer Mihemed Salih Nikbext ecêbmayîna xwe li beramberî biryara dadgeha pêdeçûnê nişan da û got: "Li ti welatî, ji derveyî Îranê, ew qanûn nine ku dadgeha pêdeçûnê cezayê dadgeha despêkê zêde bike."

Çalakvanên siyasî û sivil ên Rojhilatê Kurdistanê daxwaz ji parlamentêrên kurd ên li Parlemena Îranê kiribûn ku rê nedin ku Îhsan Fettahyan bê sêdarekirin, lê hewla wan ji ti bandor li ser biryara dadgehê nekir.

Çavkaniyek nêzîkî fraksiyona nûnerên kurd ji Rûdawê re daxuyand: "Li gel belavbûna nûçeyê sêdaredana wî girtiye, em çûn serdana gelek alîyan, lê me nekari em pêşî li sêdaredana navborî bigrin."

Bavê Îhsan, Îzetullah Fettahyan, di peywendiyek telefonê de ji Rûdawê re wiha got: "Ez êdî çî bêjim, kurê min ji destê min çû. Ji bo gotinê ti tişt nine ez bêjim." Piştî kesekî din ji malbata Fettahyan ragihand ku gefî wan hatiye xwarin ku ji bo ti dezgeheke ragihandinê neaxifin."



Nameya Îhsan


"Demê rojê ava tirêjên wê yên dawî, riyek nişani min dane ku ez vê nameyê binivisim. Dengê pelên daran yên payizê ku di bin lingên mirov de dikin qirçînî, bang li min dikin û dibêjin, devê berde bila biweşin. Ev dema ku ez niha tê de me, nişana rîya azadiyê ye. Ez ti carî ji mirinê ne tirsîya me. Ez bi germalhiya mirinê his dikim û nas dikim. Ji ber ku mirin hevalê min e herî kevn e. (...)

12 kurdên din jî li ber sêdarê ne

Li Îranê ji dozên PKK û PJAK'ê heta niha 17 kurd hatine darvekirin û niha jî 12 kes li ber sêdarê ne



Şerko Maarfi



Hasan Hikmet Demir

Sine (Rûdaw) - Piştî ku Komara Îslamî ya Îranê roja 11'ê mijdarê li girtigeha Sine girtiye kurd Îhsan Fettahyan darvekir, rayedarên dewletê girtiye bi navê Şerko Maarfi ku endamê PJAK'ê ye, bi mebesta ku were dardekirin, rêkirin girtigeha Seqizê. Li gor agahiyan ku ji herêmê hatine bidestxistin, rayedarên Îranê Şerko Maarfiyê ku temenê wî 30 salî ye, di 12'ê mijdarê de bi armanca dervekirinê li girtigeha Seqizê xistine hucreyê.

Şerko Maarfi bi hinceta ku endamê PJAK'ê ye, roja 2'ê cotmeh sala 2008'an de li bajarê Banê hatibû binçavkirin. Piştî gelek îşkence û lêpirsînan, Şerko di çileya 2009'an de ji aliyê Dadgeha Şoreşê ya Seqizê bi hinceta ku "li diji Xwedê" derketiye, bi darvekirinê hatibû cezakirin. Rayedarên Îranê bi vê yekê têr nebûn û malbata Maarfi ji tehdît kirin ku ew devê xwe bigrin û ti dijbertiyê nekin.

Li Girtigeha Sine girtiye bi navê Hebibullah Letifiyê 26 salî ji niha bi darvekirinê re rû bi rû ye. Letifi, li bajarê Sine di sala 2007'an de ligel parêzerên mafê mirovan Hana Abdi, Yasir Gulî

û Ferdim Muradî hatibû girtin. Letifi di 12'ê tebaxa 2008'an de ji aliyê Dadgeha Şoreşê ya Sine bi dardekirinê hatibû mehkûmkirin.

Endamê PJAK'ê Hasan Hikmet Demirê ku bi birindari ketibû destê rayedarên Komara Îranê, di dawîya 2007'an de piştî îşkenceyên giran hatibû darvekirin. Li gor statistîkek parêzerên mafê mirovan ên Îranê, di 9 mehên derbasbûyî de 350 kes hatine sêdaredan. Ji wan 3 kes dayîne ber beran û 8 kesên din ji dibe ku hatibûn sêdaredan û temenê wan dibin 18 saliyê de bûn. Herwiha ji ber tewanên siyasi 40 kes hatine sêdaredan.

Endamê berê yê serokatîya PDK-Îran Celîl Godernî

"Heta ev rejîm hebe, wê kuştin berdewam bin"

Wiha dixuyî ku di derbarê idamkirina Îhsan Fettahyan de bédengîyek heye. Çima?

Ez ne di wê nêrinê de me. Hemû televîzyonan behsa wî kirin, çî berî û çî ji piştî idamê. Wekî Kurd Cannel, ASO Sat, televîzyona Komele û televîzyonên hizbên din jî. Şeva beriya idamê hejmarake mezin a xelkê Sine li yek du cihan kom bun û nerazîbûna xwe nişan dan û ji aliyên polîsan ve hatin belavkirin. Piştî ku xelkê bihist ew hatiye idamkirin jî, di saet 6 û nivê sibê de, di sa hejmarekî mezin kom bûn û ev yek şermazar kirin. Kurekî gelekî ciwan û zana bû.

Ev meseleya idamkirinê li Îranê wê çawa bidome, wê

her wiha bimeşe?

Niha 10-12 kurdên din li ber idamkirinê ne. Ji bo ku rejîm xelkê çavtirsandî bike, gelê kurd li Kurdistanê Rojhilat jî tevli tevgera azadîxwaz nebe û alîkariya wan neke, dibe ku çend kesên din ji wan jî idam bike. Lê gelê kurd jî wan kuştin, idaman natirse û xebata xwe ciddî û çalakîr dike.

Di pratîkê de çawa zext dikare li Îranê bê kirin ku dawî li van kiryanan bibe?

Rastiyeke heye ku iro rejîma Komara Îslamî wekî rêgîreke li cihanê û heta niha zêdetir ji 150 car jî aliyê rêxistinên navnetewî yên mafên mirovan hatiye şermazarkirin. Bes rejîm guhê xwe nadê biryarên wan.

Li gor bawerîya min, heta ku Rejîma Îslamî hebe, ewê dest jî kuştin, idam û kevirbaran berne de û ev politîka şaş û li diji dijmirovayetiye wê bidome. Hizbê me û hemû rêxistinên kurdî daxwaz jî hemû rêxistinên navnetewî û yên mafên mirovan diken ku zextê li rejîmê bikin ku idamkirina mirovan rawestîne.

Kurdên ji beşên din yên Kurdistanê bi qasî ku pêwîste li kesên wek Fettahyan xwedî derdikevin an na?

Mixabin min ne bihistiye. Zêdetir wekî xeber dane. Lê wekî heraketa, heraketeke ku li diji rejîmê be, min nebihistiye.

"Li hember cînayetên Îranê bédeng nemînin"

Sine (Rûdaw) - Ji bo şermazarkirina darvekirina girtiye siyasî yê kurd Îhsan Fettahyan, 9 partiyan kurd daxuyaniyek hevbeş a çapemeniyê belav kirin. Di daxuyaniya hevbeş a hêzên siyasî yên Kurdistanê de darvekirina Îhsan Fettahyanê 28 salî a roja 11'ê mijdarê li girtigeha Sine tê bibirxistin û tê gotin ku ev darvekirina ji aliyê Komara Îslamî a Îranê ve ne ya yekem û ne ji ya dawî ye.

Hêzên Kurdistanê di daxuyaniya hevbeş de balê dikişînin ser rewşa Komara Îslamî a Îranê ya dawî û wiha didominin: "Komara Îslamî bi zêdebûna krîz û pîrgîrêkên navxweyî û pêlên nerazîbûna xelkê ku roj bi roj dikeve bin zext û givaşê, lewra ji Komara Îslamî bi zext û tundûtûjî û bi darvekirina ciwanên xebatkar û keç û xortên azadix-

waz ên neteweyên Îranê û bi taybet keç û xortên netewaya kurd, kina xwe dirêje." Daxuyaniya wiha didome: "Em wek partiyan siyasî ên Kurdistanî ku me ev daxuyani imze kiriye, bi tundî wê cinayetê mehkûm û şermazar dikin û daxwaz jî rêxistinên mirovdost û kom û komeleyên navnetewî dikin ku li hemberî vî cinayeta rejîma Komara Îslamî bédeng nebin û wê cinayetê mehkûm bikin. Herwiha ji bo çarenivîsa girtiyên din ên siyasî ku di bin îşkenceyên herî hovane ên wê rejîmê de ne, hewla xwe bidin. Ji ber ku bédengî li hemberî kiryanên diji mirovî ên rejîma Îranê wisa dike ku kirin û kiryarên gelek nemirovanetir encam bide."

Îhsan Fettahyan li Kamyaranê, bi iddiaya "muharibe" (şer ligel Xwedê) hatibû binçavkirin

û ji aliyê dadgeha bajarê Sine bi 10 sal cezayê girtigehê û dîrxistina bo bajarê Ramhurmîzê hatibû mehkûmkirin. Piştî ku parêzerê Fettahyan biryara dadgehê itiraz ku, li ser daxwaza Dozgerê Giştî yê Kamyaranê cezayê wî bo idamê hat guherîtin.

Partiyan ku daxuyani imze kirine ev in:

Partiya Demokrat ya Kurdistanê, Partiya Sosyalîst a Kurdistanê - PSK, Komeleya Zehmetkêşên Kurdistanê, Partiya Demokrat a Kurd li Sûriyê (El Partî), Yekîtiya Demokrat a Kurd li Sûriyê, Partiya Azadiya Kurd li Sûriyê, Partiya Pêşve-rûya Kurd li Sûriyê, Rêxistina Xebata Kurdistanê a Îranê, Partiya Azadiya Kurdistanê - PAK.



Tima FC Kurdistan heta niha 41 gol avêtiye û 8 gol xwariye

(Wêne: Rûdaw)

FC Kurdistan li sponsoran digere

Armanca FC Kurdistan ew e ku ciwanên kurd bîne cem hev.

Ew dibêjin ji bo xortên me neçin li cem biyaniyan nelîzin divê tîmek kurdan hebe.

Hagen (Rûdaw) - Li Almanyaya timên futbolê yên kurdan her ku diçe, zêde dibin. FC Kurdistan li bajarê Hagenê di Kreisliga C de isal dest bi listikê kiriye. Ew pi piştigirîya Mala Kurda û ji aliyê xortên kurd ên li Hagenê dijin, 9 meh berê hatiye avakirin. Hemû listikvan û birêvebirên FC Kurdistanê kurd in; gelekî wan ji Serhedê ne, lê Şirnexî û Mereşî ji di nav wan de hene. Di nav wan de kesên ku bi salan di Be-

zirksliga de futbolê listine ji hene.

FC Kurdistan timeke serkeftî ye, bi nav û listikvanên xwe timeke kurd e; 25 listikvan, Komeleya Mala Kurda a li Hagenê û bi sedan malbat hene ku piştigirî didin wan, lê sponsorê wan tune.

Di Mihricana Mazlum Doğan a Ciwanan de wek timeke ne fermî tevli pêşbirkên dibin û serkeftineke mezin bidestdixin. "Me ew roj bîyar da ku ti-

mekî ava bikin" serokê timê Atilla Aydemir, dibêje. Çend meh şûn de ji bo avakirina fermî ya timê Atilla Aydemir serî li Kreis Verbandê (Saziya Herêmê) û Amtsgericht a Hagenê dide. Lê piştî 6 mehan ji dadgehê nameyek digirin ku tê de serlêdana wan nehatiye qebûl-kirin. Serokê timê Atilla Aydemir behsa wê pêvajoyê dike: "Bi hinceta hinek belgeyên me kêmtir in, dadgehê maf neda me ku em bibin fermî. Lê

piştî ku me hemû belgeyan dane wan, qebûl kirin û em bûn fermî."

FC Kurdistan di liga C de niha di rêza duyem de cih digre. Di Kreisliga C de 13 tîm dilizin; yek ji wan FC Kurdistan e, yek tima kosovoyan e û yên din ji timên alman in. Ji birêvebiran Necatî Çelik dest bi axaftinê dike: "Em di rêza yekem de bûn, lê ji ber ku 3 listikvanên me ceza standin û ji bo ku demên dirêj ji listikê hatin dûrxistin, em ketin ten-

gasiyê û me du maç winda kir. Niha puanê tima yekem 27 e, yê me jî 24 e. Em hêvi dikin ku di dawîya sezonê de bibin yekem!"

Ew 3 listikvan herwiha 3 bira ne; di listikê de li diji biryara hekem hatine û ji aliyê Kreisverbandê yek ji wan 3 sal, yek 18 meh û yek jî 6 meh cezayê nelistinê girtine. "Büyeren wiha ji bo tima me, hewiha ji bo navê Kurdistanê ne baş in. Em naxwazin ku navê kurdan hertim bi büyeren wiha tûnd bê rojevê. Emê bi listik û serkeftinên xwe futbolê nişanê herkesî bikin." Ev gotinên Nihat Tüzün in, ku yek ji rêvebirên timê ye.

Ew heta niha li hemberê ti timêkî tirk nelistine. Ji ber ku di Kreisliga C de timên tirk tune. Lê di liga B û A'yê de 8 timên tirk hene û eger FC Kurdistan bi serkeftî isal derbasi B'yê bibe, wê sala bê bi timên tirk re wê werin hemberê hevdu. Antrenorê timê Celal Demirbaş di Kreisliga B û C de hakemiyê jî dike. "Em her hefte du caran antrenman dikin, her hefte rojên yekşemê jî maçên me hene. Me heta niha 41 gol avêtiye û 8 gol xwariye."

Serokê timê Atilla Aydemir dibêje ku çend listikvanên alman û tirk jî dixwazin tevli tima wan bibin. Ew bi xwe bawer in ku tima wan isal bi ser keve û navê Kurdistanê bi riya futbolê belav-bikin.

Li gor ku Necatî Çelik dibêje, ji aliyê sponsoran pirsigirêkên wan hene. "Em ji kê alikari bixwazin didin me, lê ti kes heta iro nebûye sponsorê me yê fermî. Ji ber vê yekê formaya me hin ne amade ye. Ez bawer dikim ku karmendên kurd jî navê me ditirsin." Nihat Tüzün wi tekez dike û wiha lê zêde dike. "Alikariya pere didin, navê xwe nadin. Lê ez bawer dikim, di demên peşîya me de, emê vê pirsigirêkê çareser bikin. Divê em beriya hertiştî bi ser kevin."

Çîroka jineke taybet ya kurd:

Pervîn Cemîl

"Kesên ku li deveran negerin û çandên nû nas nekin, kesên din nas nakin, ji wan hes jî nakin."



Pervin Cemil

(Wêne: Privat)

BERÎVAN GÜZEL

Brüksel (Rûdaw) - Pervin Cemil di 23'ê nisana 1943'an de li bajarê Şamê hatiye dinyayê. Keça Ekrem Cemil Paşayê sirgûnkirî ye. Dayika wê kirgîz e. Li Şamê pewerdeya wêjeya fransî kuta dike û li konsolxaneyê Bûlxaistanê dest bi xebatê dike. Wê demê di gereki de pergê dostekî xwe yê berê dibe.

Ev dostê wê jê re behsa karê xwe yê mamostetiye dike; ev kesê ku li Afrikayê, li bajarê Kinşasa, mamoste ye ji Pervin Cemilê re pêşniyaz dike ku ew ji bibe namzetê mamosteyan. Pervin Cemil ji ber ku hertim xwestiye çand û welat û mirovên nû binase, vê pêşniyazê dipejirine û dibe namzetê mamostetiye. Piştî salekê, di sala 1969'an de bersiv tê: Wê hêviya xwe jê biribû, lê bersiv erênî ye. Pervin Cemil di heman salî de diçe Afrikayê û li wir şeş sal dimine. Di navberên havînê de serdana malbata xwe ya li Şamê dike, diçe welatên Ewropayê û li wir jî çand û welatên nû nas dike. Di derbarê gera xwe ya Ewropayê de ew wiha dibêje: "Kesên ku li deveran negerin û çandên nû nas nekin, çî ji rojhilat bin, çî ji rojava, tiştên ku ji jiyana xwe fêr bûne, hertim wan didin pêş û ji ber ku çand û welatên din, kesên din nas nakin, ji wan hes jî nakin. Divê mirov tenê li xwe mize neke, tenê xwe nebîne. Dema ku mirov jî çandê din hez bike, ev nayê wê wateyê ku mirov jî çanda xwe hez nake. Minak, ez ji welatê xwe, gelê xwe, çanda xwe pir hez dikim."

Ew 6 salan li Afrikayê dimine, gelek deveran û gelek kesan nas dike; yek ji van kesan Peter Gerits e. Ew bi eslê xwe Ewropî ye. Piştî salekî dizewicin û berê xwe didin Ewropayê. Ew jina ku li sirgûnê hatibû dinyayê, di sala li sirgûnê merek naskirî û li welatên biyaniyê dest bi jiyaneke nû kir. Li Belçikayê bicih dibe.

Ew li Belçikayê dibe dayika keçeke bi navê Şêrin; lê nasekine, di saziya MRA'ê de ku li diji nijadperestiyê dixebite, cih digre. Pervin Cemil di vê saziyê de, bê navber, 8 sal dixebite.

Di sala 1978'an de di sala keçeke tine dinyayê. Navê wê Nevin e. Di heman demê de bi çend hevalên xwe yên kurd re Yekitiya Karker û Xebatkarên Kurd li Belçikayê (YKXKB) ava dikin. Ev sazi-

di sala 1989'an de navê xwe diguherîne û dibe Enstitûya Kurd li Belçikayê. Pervin Cemilê jî vê yekê ne razî ye, ew di wê baweriyê de ye ku ji bo enstitû saz bibe, divê dewletek hebe. Lê kurd ji ne xwendiyê dewletek in. Lê ew di sala karê xwe didomîne. Di sala 1993'an de dev ji karê enstitûyê berdide. Ew sedemê vê yekê wiha rawe dike: "Ez girîngiya partiyên siyasî inkar nakim. Lê em dibêjin ku di civakên demokratîk de, divê wek partiyên siyasî sazîyên bê alî jî hebin." Bi vê mebestê ew li Brükselê dest bi sazkirina Buroya Kurdi ya Pêwendî û Agahdariyê dike. Niha li Brükselê di vê saziya ku wê avakirîye de, li gor xwestekên xwe, karê xwe berdewam dike.

Mala Êzdiyan konferansê li dar dixê

Oldenburg (Rûdaw) - Mala Êzdiyan li Oldenburgê rojên 28 û 29'ê mijdarê konferansê li dar dixê. Ji aliyê Komîteya Rêvebirî û Rewşenbiri yên Mala Êzdiyan li Oldenburgê hat ragihandin ku konferans wê ji bo her kesî vekirî be û wek pirs û bersivandinê bidome.

Li gor agahiyan ku Komîteya Rêvebirî û Rewşenbiri yên Mala Êzdiyan li Oldenburgê dane Rûdawê, di 28 û 29'ê mijdarê de li Mala Êzdiyan wê konferansê bê lîdarxistin û ji bo beşdarbûna wê gelek pîr, rêvebir û rewşenbir jî hatine vexwendin.

Konferans wê roja 28'ê mijdarê di saet 11:00'an jî aliyê Pîr Dîma ve bi gotina qewlî û xêrhatina mêvanan dest pê bike û heta saet 22:00'an bidome. Konferans wê li dû nîqaşên li ser mijarên diroki û rojane, axaftinên mêvanan, pîrs û bersivandin û pêşniyarên beşdarên, bi axaftina Dr. Eskerê Boyik û gotina qewlî ya Pîr Dîma bi dawî be.



Li gelek zaniñgehên Almanya xwendekar li diji xwendina bi pere xwepêşandanan li dar dixin

Köln (Rûdaw) – Pişti Awisturyayê xwendekarên zaniñgehên li Almanya ji li ser piyan in. Daxwazên wan nêzîkî hev in û pirani şertên xwendinê tî rexne kirin. Heta niha li derdora 50 zaniñgehên xwendekaran holeyên xwendinê dagir kirine û gelek zaniñgehên din ji xwe ji bo protestoyan amade dikin.

Protestoyên ku li zaniñgehên Awisturyayê Wiyena, Innsbruck û Linzê dest pê kirin û derbasi Swisreyê bûn, li Almanayê ji belav bûn û xwendekar li zaniñgehên wek Berlin, Bielefeld, Dresden, Darmstadt, Münster, Heidelberg, Bochum, Duisburg û Essen, bi giştî li zêdetirî 50 zaniñgehên di nava çalakiyan de ne. Lê ev tenê dest-

pêk e, li 100 zaniñgehên amadekariyên çalakiyan tî kirin.

Xwendekarên zaniñgehên ji şertên xwendina bilind ne razî ne û bi taybetî van tiştan rexne dikin: Xitmandiya beşên xwendinê ji ber zêdebûna xwendekaran, newekheviya civakî di sistema perwerdeyê de, kêmbûna bûdçeyên zaniñge-

Ji xwendina bi pere re na!

Li gelek zaniñgehên Ewrûpayê xwendekar li diji perwerdeya bi pere çalakiyan li dar dixin. Ji 30'ê mijdarê ta 6'ê kanûnê hefteya çalakiyan e

han, pereyên ji bo xwendinê (Studiengebühren), pirsgerêkên ku bicihkirina sistema Bologna bi xwe re anin. Xwendekar rexne dikin ku bi derbasbûna ser sistema Bologna zaniñgeh bûna wekî dibistan û perwerde li gori pêdiviyên aboriyê hatiye amadekirin û azadiya xwendinê hatiye sinorkirin. Xwendekar dixwazin ku ew ji tevli biryarên zaniñgehên, yê di derbarê xwendinê de, bînin kirin.

Rêvebira grûba xwendekaran kurd "Kurdistan Studenten Union – KSU", Lavan Sabir, ji Rûdaw re got ku grûba wan ji tevli çalakiyên protestoyî li Zaniñgeha Duisburgê bûne û anî ziman ku tevî ku piraniya xwendekaran bi heman pirsgerêkên re rû bi rû ne ji, lê xwen-

dekarê kok biyani bêtir dibin qurbanê şertên li zaniñgehên. Lavan wekî pirsgerêkê bîngêhî ya xwendekarên kok biyani kêmbûna derfetên aborî destnîşan kir û got ku ji ber pereyên xwendinê (Studiengebühren) ku li gelek zaniñgehên Almanayê serê semesterê 500 Euro ye, gelek xwendekar mecbûrin ku ji bîli xwendina zaniñgehê, kar ji bikin: "Bêguman wextê ku ji bo karkirinê tê terxan kirin, ew wext paşê ji bo xwendinê namine û ev ji dibe sedema encamên nebaş di ezmûnan de."

Tevli ku hinek rektorên zaniñgehên ultimatum danin pêş xwendekaran ku holeyên xwendinê vala bikin û ji bo vê yekê bangî hêzên polisan ji kirin û li çendî zaniñgehên xwendekar ji aliyê polisan ve ji holê

xwendinê hatin derxistin ji, gelek derdor piştigirîya xwendekaran dikin, wekî sendikayên Perwerde û Zanistê GEW û Verdi. Ji bîli sendikayên rêvebiriyên gelek zaniñgehên û siyasetmedar ji tevli daxwaziyên xwendekaran dibin, di nava wan de Wezîra Perwerdeyê Annette Schavan ji heye: "Edi pêwîste reformên ku biryara wan hatiye dayîn, bêne bi cih kirin."

Tê çaverêkirin ku çalakiyên xwendekaran bidomin û li gor wê ji xwendekar xwe amade dikin. Li gor "Nexşerêya protestoyan" wê 17'ê mijdarê bi berferehi çalakiyên protestoyî bînin li dar xistin. Di navbera 30'ê mijdarê û 6'ê kanûnê ji hefteya çalakiyan hatiye pilankirin.

Şewba berazan tevî tirs û xofê belav dibe

Ji nîsana 2009'an ve li cîhanê 6100 kes û li welatên Ewrûpayê 423 kes ji ber pêketina bi virûsa H1N1 mirine



Şewba berazan bi pêwendiyên wek maçkirinê ji belav dibe

Stokholm (Rûdaw) – Navenda Ewrûpî ya Pêşilgirtin û Kontrolkirina Epidemiyên / European Centre for Disease Prevention and Control - ECDC li benda mirina 40 hezar kesî ye ku di encama şewba berazan de bimirin. Heta niha mirina 430 mirovan hatiye tomarkirin û li hemû welatên Yekîtiya Ewrûpayê ji kampanyayên aşî kirinê dest pê kirine.

Pisporên ECDC li Stokholmê di raporta xwe ya herî dawî di derbarê rewşa şewba berazan de, ku di 10'ê mijdarê de hate belavkirin, dibêjin ku şewba berazan bi leztirîn awayî belav dibe û didin xuya kirin ku hejmara pêketinê ku bi mirinê bi encam dibin ji berbiçav zêde bûne. Ji nîsana

2009'an ve li welatên YE'yê Îsland, Norwêç, Liechtenstein û Swisreyê 423 kes ji ber pêketina bi virûsa H1N1 mirine. Piraniya bûyerên mirinê, bi 155 kesan, li Britanyayê hatin jimartin. Li Almanayê heta 10'ê vî mehê 12 kesan ji ber şewba berazan jiyana xwe ji dest dan. Li seranserê cihanê heta niha 6100 kes ji ber şewba berazan mirine.

Kordinatorek ECDC, Angus Nicoll, di raporta xwe ya heftane de ragihand ku li Ewrûpayê derdora 40 hezar kes dikarin ji ber şewba berazan bimirin. Li gor rewşa iro ev yek wê sedqatbûna bûyerên mirinê be. Bi qasî vî hejmarê ji wê mirov ji ber şewbê din ên demsali jiyana xwe ji dest bidin. Direktora ECDC, Zsu-

sanna Jakob, daxuyand ku pêşbîniya wê yekê bî bandora şewba berazan û şewba demsali li ser hevûdu we çawa be, zor e lê metirsiya wê yekê heye ku şewba normal rengê xwe bigorîne û di bihara 2010'an de bibe pandemi.

Saziya ECDC dide zanin ku tecrûbeyên ji Amerikaya Başûr û Bakur nişan didin ku herî zêde jinên ducanî, nexweşên kronîk û kesên ciwan di bin metirsiyê de ne. Ji sedî 20 heta 30'ê kesên mirî kesên ciwan bûn ku heta hingî ti nexweşiyên hejari behskirinê derbas nekiribûn. Beriya du heftayan ECDC ragihandibû ku ji 500 milyon niştecîhên Ewrûpayê wê ji sêyan yekê wan bi şewba berazan bikeve.

Çavkaniya van hejmarên ku li Stokholmê û ji aliyê Saziya Tendurustiyê ya Cihanê WHO tî berhev kirin, sistemen tendurustiyê yê netewî ne û li gor birêkûpêkbûna van sisteman hejmara kesên ku bi şewba berazan dikevin an ji dimirin dikare cudatir ji be.

Tevî belavbûna bi lez, pisporên ECDC pêşniyaza aşî kirina tevaya civaka Ewrûpayê nakin û dibêjin beriya her tiştî divê ku komên risiko, bînin aşî kirin.



Robert Enke

Almanya şîna qelewanê xwe digre

Hannover (Rûdaw) – Van rojan Almanya di şîna xwe de. Sedemên şîna mirina kesî serkeftî, idolê bi hezaran, ciwanekî di destpêka 30'an de ye. Sedemên xwekuştina qelewanê tima Hannover 96 û yê tima netewî ya Almanya, Robert Enke (32), li seranserê Almanayê tê nîqaşkirin. Depresyon sedemek serekî tê nîşandan. Di merasima yekşêma bori de li Hannoverê 100 hezar kesî xatirê xwe ji Enke xwestin.

Robert Enke ku di gelek timên bi nav û deng ên Ewrûpayê de listibû, di nava wan de tima tirk Fenerbahçe jî hebû, roja sêşema bori nêzîkî mala xwe, li ser rêya trenê ya navbera Bremen û Hannover, xwe avêtibû ber trenê û jiyana xwe ji dest dabû. Piştî ku nûçeya xwekuştina Enke belav bû, mijarê bi

rojan rojeva çapemeniya Almanayê dagirt. Heta mirina Robert Enke li gelek welatên Ewrûpayê ji hat nîqaşkirin kirin û gelek timên futbolê yê navdar maçên xwe bi deqeyek rêzgirtina li Enke dest pê kirin.

Xwekuştina Enke nişani mirovan dide ku werziş êdî gihiştîye çî radeyê û ti pêwendîya wê bi demborandin û "listikê" re nemaye. Listikvan di bin zextê mezin a serkeftin û tîkçûne de ye. Û tenê tîrsa ji tîkçûnê dikare rêya wê yekê veke ku ti wateya jiyane nemîne.

Hevjina Robert, Teresa Enke got ku merê wê çend salan nexweş bûye û ji ber depresyonan di tedawiye de bû. Teresa Enke got ku merê wê ditirsiya ku bi eşkereyî behsa nexweşiya xwe bike û nedixwest ku serkeftina


xwe ya werzişî têxe xeterê. Teresa bahsa rewşa wî ya psikolojîk ji kir û got ku Robert gelekî ditirsiya ku dewlet ji ber nexweşiya wî keça wî Leila ji wî bîstine. Beriya sê salan keçeke Robert Enke ya du salî ji ber pirsgerêkê dil miribû. Bavê Robert Enke, Dirk Enke, ji kovara Spiegel re got ku bandora tîrsa ji tîkçûnê li ser kurê wî gelek bûye. Ji ber ku Robert di ciwaniya xwe de hertim di nav listikvanê bî temenê ji xwe mesttir dilist, ew hertim di bin stres û tîrsa serneketinê de bû û wî gelek caran krîz derbas kirin.

Di maça pêş de qelewanê yedek Florian Fromlowitz wê qaleya Hannover 96 biparêze, bi hejmara 27'an li ser piştî xwe. Tîma Hannover 96 biryar da ku hejmara 1'ê wê ji aliyê futbolvanekî wan ve êdî neyê hilgirtin.

Piştî Fort Hood Muslumanên DYA'yê ji tolhildanê ditirsin

Serwisa Cihanê (Rûdaw) – Muslumanên DYA'yê ji êrişên 11'ê îlona 2001'ê ve di bin gumana giştî ya derdora xwe de dijîn. Herçiqas Muslumanên wî welatî wekî entegrebûyî tên hesibandin jî, lê piştî bûyera Fort Hood rewşa wan dîsa ket rojevê.

Efserê amerîkî Nidal Malik Hasan (39), psikyaterê leşkerîyê bû. Ew ji malbatek fîlistînî bû û li Virginia yê ji dayîk bûbû. Roja 6'ê mijdara 2009'an Hasan li baregeha ku ew lê wezîfedar bû, li Fort Hood, derdora xwe gulebaran kir û 13 leşker kuştin û 31 kes jî birîndar kirin. Baregeha Fort Hood li başûrê Texas ê ye û bi 880 qaremetre mezintirîn baregeha leşkerî ya cihanê ye. Li Fort Hood ji hindikayî ve 52 hezar leşker û bi hezaran sîvil bi cih in.



Efserê amerîkî Nidal Malik Hasan

Piştî bûyera Fort Hood nîqaşên li ser pêbendbûna Muslumanên li DYA'yê bi destûr û rêbazên wî welatî dîsa dest pê kirin. Li DYA'yê 2,35 milyon Musulman dijîn û 15 hezar Musulman jî di nava artêşa DYA'yê de ne. Artêşa DYA'yê hewl dide ku wan leşkerên Musulman li welatên wek Iraq û Afغانistanê bikin pirek di navbera xwe û gelê Musulman ên wan welatan. Bûyerên wek li Fort Hood civaka amerîkîyên Musulman dixin tengasiyê û gelekên wan ji ber erîşên tolhildanê ditirsin. Ji xwe piştî ku navê Nidal Malik Hasan di televizyona de hat belavkirin tenê bi çend deqîqeyan, tehdîdên destpêkê bi rêya telefonê gihiştin Enstîtuya Erebiyê-Amerîkî / Arab-American Institute li Washington D.C.

Di heman demê de komeke krîzê li "Şewirmendiya Pêwendiyên Amerîkî-Îslamî" hat avakirin û di konferansa çapemeniyê ku di heman êvarê de hat dayîn, bûyera Fort Hood hat rexnekirin û daxwaz ji amerîkîyan hat kirin ku aramiyê biparêzin: "Mixabin pêwîst e ku em ji ber tecrûbeyên borî, amerîkîyên Musulman û yên ku wek wan bixuyên, hişyar bikin ku xwe, malbatên xwe û cihên olî ji kiryarên tolhildanê biparêzin."

Sedemê bûyera Fort Hood ne diyar e. Li gor agahiyên ku ji kesên derdora Nidal Malik Hasan, biryara şandîya Hasan ya nav hêzên amerîkî li Afغانistanê hatibû dayîn û wî nedixwest ku ji bo Iraq an jî Afغانistanê bê şandin. Hasan ê ku di dibistanên leşkerîyê de xwendina xwe qedand, bi gelek kesên ku ji şerên li Iraq û Afغانistanê vedigeriyan re kar kir û ji nêzîk ve rastiya şer nas kir. Heta malbata wî got ku Hasan dixwest ji leşkerîyê derkeve jî. Lê ji ber ku wê demê diviyabû ku wî heqê perwerdeya xwe li leşkerîyê vegerranda, wî nekarîbû ji leşkerîyê derkeve.

Demeke dirêj li DYA'yê erîşên rêxistinên Îslamî wek xeterek ji derve dihat dîtin û Muslumanên amerîkî dîrî wan derdoran dihatin hesibandin. Berpirsê bûyera 11'ê îlona jî ji derve bûn. Lê bi bûyera Fort Hood perspektîf diguhere û berê xwe dide nav DYA'yê. Pirs ew e, ka ev bûyer wê çawa bê nîrxandî: Bûyereke ji ber motîfê olî, an jî kiriyara kesekî depresîf û nexweş.



Nakokiyên di navbera Hindistan û Çînê de herçiqas diçe bilin dibin. Sedemê nakokiyê ava vexwarinê ya ku di sinor de diherike, ye.

Hûtên Asyayê ji hevûdu bi guman in

Nakokiyên di navbera Hindistan û Çînê de herku diçe mezintir dibin. Nakokiyên li ser ava vexwarinê tenê yek ji sedemên sarbûna pêwendîyan e. Rikberiya ji bo heza sereke li Asyayê sedema bingeşê e.

Serwisa Cihanê (Rûdaw) – Hindistan û Çîn disa di qirika hev de ne. Vê carê ji ber ava vexwarinê ji Çiyayên Himalayê. An jî mesele tişteki din e?

Pêwendiyên Çîn û Hindistanê ji zû ve nebaş in û vê gavê ji ne gelekî baş in. Berovajî, ber bi aloziyê ve diçin. Danûstandinên vî dawiyê li ser pirsên sinorê di navbera herdu alîyan de bêyî encam bi dawî bûn. Çîn 90 hezar metre çargoşe ji parêzgeha "Arunachal Pradesh" li bakur-rojhilatê Hindistanê axa xwe dibine. Hindistan jî Çînê bi dagirkirina 38 hezar metre çargoşe axa Kaşmirê tewanbar dike.

Li pirsgerê sinor, di van demên dawî de yekê din jî zêde bûye. Çapemeniya Hindistanê ev demekê ye dinivîsine ku Çîn di nava hewldanan de ye ku bendaveki li ser Çemê Yarlung Zangbo – ku li Hindistanê bi Brahmaputra tê binav kirin – ava bike. Destpêkê Wezaretê Derve ya Çînê ev nûçeyên ji Hindistanê şirove nekirin û piştî van nûçeyên di çapemeniya Hindistanê de, televizyona Çînî bi navê Phoenix ku navenda wê li Hongkong e û wekî aligirê Hikûmeta Çînî tê nas kirin, belav kir ku Çîn dixwaze bi pila-

nên avakirina bendavê Hindistanê têxe bin zextê. Phoenix daxuyand ku armanc ew e ku Hindistan parêzgeha "Arunachal Pradesh" – ku Çîn wek Tîbeta Başûr û beşekî ji axa xwe dibine – bide Çînê.

Li ser van nîqaşên ku girani di internetê de dimeşin, beriya çend rojan berdevkeki Wezaretê Derve ya Çînê daxuyaniyek da û hebûna pîlanek bi vî rengî red kir. Lê berdevkê wezaretê di heman konferansa çapemeniyê de serdana serokwezîrê Hindistanê, Manmohan Singh û ya serokê olî yê Tibetê, Dalai Lama, li parêzgeha Arunachal Pradesh bi tundi rexne kir û got ku ev yek provokasyoneke ku nayê qebûl kirin. Şirovekerên siyasî van daxuyaniyên rayedarên Çînî wiha dinirxînin ku Çîn bi hewldanên xwe dixwaze Hindistanê mecbûrî dayîna herêmên li ser başûrê sinorê Çînê bike. Herêmên nakokbar xwediyê mezintirîn çavkaniyên ava vexwarinê yên Asyayê ne.

Ku Peking di daxwaza xwe de ciddî ye, tevgerên wê yên leşkerî nîşan didin. Di tebaxa borî de 50 hezar leşkerên çînî tevli manevrayên li ser sinor bûbûn û tê gotin ku 200 hezar ji li Ti-

betê hatine bicihkirin. Wekî bersiva manovraya Çînê, Hindistanê ji manovrayên bi hêzên bejayî û hewayî pêk anîn û dest bi duruskirina rêyên asfalt û yên hêsîni li herêmê kir. Şewirmendê Ewlekariya Netewî yê Hindistanê, Mayankote Kelath Narayanan, hişyari da ku "rewş zû dikare ji kontrolê derkeve."

Li aliyê din Hindistan jî aliyê Çînê ve hatiye dorpeçkirin. Çîn li Bûrma. Sri Lanka û Pakistanê bender, fabrikayên komirê, rêyên asfaltê û yên hêsîni ava dike û bi vî yekê hebûna xwe li herêma Okyanûsa Hindi berfirehtir dike. Û ji aliyê leşkerî jî Çîn hevkarî xurt yê cîranê Hindistanê ye û çekan difroşe wan, di nav de Pakistan jî. Çîn wekî din endambûna Hindistanê ya daimî di Şewirmendiya Ewlekariyê ya Netewên Yekgirtî jî asteng dike.

Piştî şerê sinorê sala 1962'an di navbera Çîn û Hindistanê de, Çînê yekalî şerrawestandinekî ilan kiribû û hêzên xwe ji herêma derdora Tawang paşve kişandibû. Herçiqas Çîn û Hindistanê di sala 2003'an de dest bi danûstandinên li ser pirsgerê sinorê di navbera xwe de kiribûn jî, lê nakokî heta niha nehatiye çareser kirin.

Serkeftinek ji bo jinên Kuweytî

Piştî guhertina destûrê beriya du salan, niha jî parlamenterên jin yê kuweytî dikarin bêtî melhefê derbasî parlamenê bibin

Serwisa Cihanê (Rûdaw) – Beriya çar salan jinên kuweytî bûbûn xwedî mafê dengdanê, niha jî di biryarên din azadiya jinan firehtir kirin. Dadgeha Bilind ya Kuweytê biryar da ku parlamenterên jin ne mecbûr in porgirêdayî derbasî parlamenê bibin.

Di Parlamena Kuweytê ya xwedî 50 kursi de, ji destpêka salê ve, çar jin hene û duyê wan bêtî melhefê tevî civinên parlamenê dibin. Dêrdorên oldar heta Dadgeha Destûrê doz meşandibûn ku jinên parlamenter mecbûrî veşartina

porê xwe bikin. Piştî biryarê parlamentera jin, Assel Al-Awadhi, got ku biryara dadgehê serkeftinek ji bo destûrê ye: "Em melhefê li serê xwe girê bidin, an na, ev ti bandorê li ser karê me jî nake." Jina din a parlamenter û bêtî desmal, Rola Daştî, anî ziman ku ji xwe wê ew yek xapandin bûye, eger dema ku ew ji parlamenê derketin, melhefê xwe ji serê xwe bikrana: "Ma parlamen camiyeke miqedes e?"

Parlamenterên Îslamîst piştî biryarê daxuyandin ku ev mijar hê jî ser masê

neçûye. Rojnameyên kuweytî Al-Jaridah jî ber biryara dadgehê kêfxweşiya xwe nîşan dan û di şiroveyekê de wiha hatiye nivîsandin: "Biryar nîşana wê yekê ye ku em di dewletek medenî de dijîn û ne di dewletek talibanan de, an jî di emirateki ku bi fetweyan û qedexeyên olî tê rêvebirin."

Piştî guherina Destûra Kuweytê beriya çar salan, biryara di derbarê desmalan de serkeftina duyem e ji bo jinên wî welatî. Heftiya borî dadgeha bilind biryar da ku jin bêtî mîran ji dikarin




Ji 50 parlamenterên kuweytî tenê çarên wan jin in, duyê wan jî servekirî ne.

daxwaznameyên nasnameyan pêşkeşî daireyên hukmî bikin.

Herçiqas herdu biryarên navborî jî bo jinên kuweytî serkeftinên mezin bin jî, lê fraksyonên Îslamîst di Parlamena Kuweytê de bihêzin. Bo minak

perwerdeya xwendekarên jin û mîrî zaniyêgehên ji hev cuda pêk tê. Wekî din fraksyonên kevneperest ev du sal e hewl didin ku destûrê biguherînin û Şerîetê li şûna wê bi cih bikin, lê heta niha bi ser neketine.



İsmail Beşikçi

(Wêne: Rûdaw)

Rojhelat û Rojawan

İSMAİL BEŞİKÇİ

Wextanê ke Ewropa rastê islami ameya û nata fehmê Rojhelat-Rojawani, nakokiyê Rojhelat-Rojawani biyê problemêko muhim. Na babete de munaqeseyê cidi viraziyayê. Fêrêqê miyanê Rojhelat-Rojawani de her wext rojeve de biyê. Nê munaqeseyî nika zi dewam kenê. Ewro Ewropa de nufûsê musulmanan tayê welatan de zêdiyeno. No zi beno faktoreko muhim o ke nê munaqeseyan aver tehn dano.

Fêrçanê muhiman yê miyanê Rojhelat-Rojawani ra yew, dorê termê zanisti de şêl gêno. Rojawan de, miyanê inanê ke manastiran de perwerde diyo ra, inanê ke manastiran de perwerde diyo ra, cuya xo ya hina aver de, yê ke bi zanistiyânê pozitifan yê sey fizik, tib û astronomi reyde mijul biyê, yê ke problemanê cematkiyan, problemanê sosyalan reyde mijul biyê, estbiyê. Fêrçê Rojhelat de, binê nameyê “ilm”î de, fikrê derheqê şiroveyanê islami yê sey Quran, fiqih, hedîs, kelim û tefsiri aver şiyê. Rojawan de, manastiran ra, dezgeyanê ê dewri yê perwerdeyî yê winasîyan ra, kesê sey Batlamyus (İsayî ra pey seserra diyine) Galenor (129-200), Roger Bacon (1214-1294), Leonardo da Vinci (1452-1518) Kopernik (1473-1543), Kepler (1571-1630), Giordano Bruno (1548-1600), Galileo (1564-1642), Toricelli (1608-1647), Newton (1642-1721) û Darwini (1809-1882) yê ke zanistiyânê pozitifan reyde eleqedar biyê, vejîyayê. Bacon, miyanê teriqetî de rahîbêko basit o bîrutbe yo.

Kopernik, ruhbanêk ke seba gureyanê berzan yê dêreyî weye biyo. La Rojhelat de, dezgeyanê perwerdeyî de, mavajî ke, medreseyan de, seba zanistiyânê pozitifan eleqê qet aver nêşîyo. Misêwa derheqê Quran, fiqih, hedîs, kelim û tefsiri de fikrî amey xulîqniyayîş. Seke berê medreseyanê islami zanistiyânê pozitifan rê girewte bo. Rojhelat de gama ke seba merdimêk vanê “alimêko baş o”, yani vanê, no merdim wareyanê sey Quran, fiqih, hedîs, kelim û tefsiri de pispor o, merdimêkê dini yo baş o. Rojhelat de keyeyî, mavajî kurdî, seba ke miyanê cematî de nişan bidê ke çîqas weçinite yê, çîqas birêz ê, bale ancenê ser ke miyanê ferdanê keyeyê inan de çîqas mela û şêxî estê. Miyanê cematî tradîsyonel yê kurdan de mela û ‘merdimê ilmi’ biyayîş, malim biyayîş, muhendîs, doktor, abûkat biyayîş ra hina bi qiymet o.

Rojhelat de gama ke medreseyan fikro ke dini referans gêno hêzdar kerdê û vila kerdê, ê wextan Rojawan de, manastirî, atmosferê manastiran şênayo rayîr bido zanistiyânê pozitifan. No atmosfero fikrî ke referansê xo bawerîye ra gêno, biyo maniyê averşîyayîşê muxalefeteke siyasi zi. Muhtewayêka siyasi û cematî yê muxalefeti esta. [Muxalefet], eyni wext de proseko sivil û sekuler o. No zi ancax o atmosfero ke zanayîş û zanistî şênî tede aver şêrî de şêl bigiro. Rewşa Hellacê Mensûrî (858-922) ke goreyê bawerîya xo hereket kerdê, xovero dayne û rewşa Galileoyo ke istîqametê fehmêkê zanistî de hereket kerdê, xovero

Rojhelat de gama ke medreseyan fikro ke dînî referans gêno hêzdar kerdê û vila kerdê, ê wextan Rojawan de, manastirî, atmosferê manastiran şênayo rayîr bido zanistiyânê pozîtîfan.

dayne, yewbini ra zaf ciya yê. Nê cihetî ra muhtewaya termê “ilm”î û termê “zanist”î yewbini ra ciya yê. İlmi şêl dayo cuya fikrî ya Rojhelatî, zanistî şêl dayo cuya fikrî ya Rojawanî.

Sedemê nê heme çîyan no yo ke, islam tadayêka pête vera fikrê azadi de tetbiq keno. Ferman diyeno ke tu fikr nêşêno xilafê Qurani de bo. No ferman keno ke fikr bicemediyo, beno manî ke munaqeseyo azad aver şîro. Fikro azad, béguman, manastiran de zi binê tada de bi. Labelê ancina, miyanê yê ke manastiran de perwerde diyo de derheqê fehmkerdişê babetanê se tebiyet, dinya, insan û cematî de meraq aver şîro. İslami, mavajî, gama ke munaqeseyê heywanê ke tebiyet de yê û masey yenê weri yan ney, nê çî gune yê yan ney, goreyê Qurani, goreyê hedîsan ê yan ney kerdê, ê wextan miyanê kesanê ke manastiran de perwerde diyê de babetê şertê cuya heywananê ke tebiyet de yê û yê maseyan, derheqê zêdiyayîşê heywanan de meraq û istîqametê nê meraqî de cigêrayîşê şênayê aver şîrê.

Rojawan de teriqetê Fransiskeni 1209 de teriqetê Dominikeni 1215 de roniyaya. Teriqetê Fransiskeni fikrê azadi rê hina akerde yo. Averşîyayîşê zanistî de zi rolêko muhim kaykerdo. Na rey Rojhelat de hemeyê mezheban, hemeyê teriqetan fikro azad girewto binê tehakumi. O ke Rojhelat de aver şîyo, fehmê ilmi yo. (Cemal Yıldırım, Bilim Tarihi, Remzi Kitabevi, İstanbul 1983, r. 82 û dewam ci.)

(Nuşte dom keno...)

“Firçe Eştene”

Serra 1987 de mi siteyê sinai yê Diyarbekirî de lokanta şuxulnayne. Miyanê karkeranê mi de yew tuto duwê-hirêsserre estibi. Nameyê ey Hus bi. Tutêko rindek û şîrin bi, zaf sempatik bi. (Nika babiyê tutan o. Biyo darqewanêko çorçore.) Ge-ge mi kebab yan tayê lehmedcûni pakêt kerdê, Husî reyra şawitêne keye. Rey-rey şiyêne keye ra gomlek yan kincê utikerdey ardê. Axir çî lazîmatîya ma bi keye bibiyê, ma vatê Huso ha Huso, dê vazde. Tutanê keyeyê ma, dadiya mi, hemine Husî ra hes kerdê. Êdi bibi sey tutê keyeyê ma.

Rojêk hewna mi tayê çî-mi pakêt kerdî, day Husî, berdi keye. La şan de ez ke ameya keye, mi ewniya ke dadiya mi heredan a. Wina bemade ewnêna mi ra. Çi yo, se biyo? Ez nêzana. Nat ra wet ra, ez bineyke kewta dorê aye. Wilay nişkave ra teqa:

- To çîra dayo Husî ro?

Emelê mi şîya yê! Ha to rê ez, ha to rê Hus. Dadiya mi kerd piro, nêvîndena. Çimê aye sîr biyê. Vana û vana:

- Ti camêrdo pilo tamam î. Ti wayirê cini yî. Ti qasê qantiri yî. Ti şîni xo kenê hevalê nê tutekê masumî, ti danê piro. Seni destê to ro ey berz biy, hew-wûtî?! Keyveşaye...

Lahewle wela... Pirodayîş kotî ra vejîya? Ez sond wanena, selewatan var-nena. Eyb o eyb. La vana îlela nêvana. Mî ra bawer nêkena. Vana:

- Hem zi to bi firçe dayo piro. Tuteko masumo gunek. Êdi to ver remayo, se biyo. Ti firçe erzenê tutekî...

Seke ez hewn ra aya bi, mi va:

- Heee? Ez firçe erzena?!

Va:

- Firçe û çimê to! Ez Husî ra persena, vana, keko to rê baş o yan ney? Eleqeyê to keno? Hus vana, wele ewro firçe eşto mi. Merdim bikuwo zi, bi firçe nêkuwenê. Yew lemata dano piro, bes o. Ti fedî nêkenî, ti bi firçe nê tutekê masumî kuwenî?...

Hema newe hiş yeno sereyê mi. Bineyke bengzê mi abeno. Ez bi huwayîş vana:

- Wîii! Da dayê, vato firçe erzeno mi, yani vano ke...

Nêverdena ez qala xo tamam bikerî. Yew rey hêrs bena:

- Yani vano ke... çî yo? Elekiye meke! Nat û wet fetl û fatulan mede piro. Ti reyna-reyna giyêko winayin biwerî, ez nêverdena linga to biyero keye.

Mi ewniya ke çare çin o. Nêverdena ez mesela aye rê izêh bikerî. Xora ez vaji-nêvaji, kertê xo ra nêna war. Reyêke dekewto bi sere ke mi bi firçe Hus kuwayo. Hus mi ver remayo, mi firçe vir kerdo eşto Husî.

Kewt roja bine, mi ifadeyê Husî girewtî. Hus vana:

- Keko wilay mi nêvato dayo mi ro. Dada va, keko to rê baş o yan ney? Mi zi va, mi rê baş o la rey-rey firçe erzeno mi. Aye zi va, de ti mi rê vindere, wa şan de biyero keye, ez çî ana ey sere de...

Ez werîştî mi Hus şawit keye. Mi va, şo manaya “firçe eştene” dada rê izêh bike. Hus şîno izêh keno, la dada tirkî nêzana ke manaya “firçe eştene” yî çî yo ke fehm bikero. Husî ra vana, ey ti musnayî, ne?!

A bi no qayde kuwayîşê Husî bi suc û kewt vileyê mi. Ez seni zi bikerî, ti ewnêni vana, eyla ti musaye yî...



Roşan Lezgîn



Rûdaw

Şertên Abonetiyê

Ji bo salekî: Almanyay, Belçika, Awûsturya, Fransa, Hollanda: 60 Euro - Swîsre: 120 CHF - Britanya: 60 GBP Swêd (Schweden): 900 SEK - Danîmarka (Danemark): 600 DKK - DYA (USA): 100 USD Kanada: 120 CD - Tirkîye: 100 TL

Ji bo şeş mehan: Almanyay, Belçika, Awûsturya, Fransa, Hollanda: 30 Euro - Swîsre: 60 CHF - Britanya: 30 GBP - Swêd: 450 SEK - Danîmarka: 300 DKK DYA (USA): 50 USD - Kanada: 60 CD - Tirkîye: 50 YTL

Ji bo Almanyay: Rudaw Media GmbH Bank: Deutsche Bank Köln - Konto Nr: 2450161 BLZ: 37070024

Ji derveyî Almanyay: IBAN: DE4837070024054016100 BIC: DEUTDE33HAN

Navnîşan: Rudaw Media GmbH - Gutenbergstr. 63a 50823 Köln / Almanyay

E-mail: info@rudaw.de

Wegere Malpura Sereke ya KURDO - www.kurdo.me - medyayakurdi.com rûpeleke KURDO ye tîkê nav biyarayan

medyayakurdi.com

Li ho hemû medyaya Kurdî adresekê heye - medyayakurdi.com - Kurdîsh media is here

Şemî, 14ê Bismawza 2009 | Reklamê bido | Pêwendî - Link Zêde Bibe

Hemû girêdanên Medyaya Kurdî li vir e

medyayakurdi.com yekem û yekane malpura medyaya Kurdî ye. Li vir navnîşanên hemû dezgehên medyaya Kurdî wek weşanan, nûçeyan, rojname, televizyon, kovar û radyoyan hene. Hûn jî dikarin navnîşanên weşananê nûçeyî ên jî medyaya Kurdî (esahi@medyayakurdi.com) bi alînin me an jî reklama xwe bidin. medyayakurdi.com her tim lê nû kînin. Kurtek: [K.A.] : Kurdistan Azad [B.K.] : Bakurê Kurdistanê [R.K.] : Rojhelatê Kurdistanê [B.R.K.] : Başurê Rojaveyê Kurdistanê [E.] : Ewropa [D.Y.E.] : Emerika [T.] : Tirkî [E.N.] : İngiltze [G.W.] : Zindî temage bike

Keyepelê adresan yê çapemenîya kurdî

Keyepelê Medyayakurdi (www.medyayakurdi.com) ke heme adresê dezgeyanê çapemeniya kurdî yew ca de kom kerdê, dest bi weşane kerd. Reya verin a ke linkê heme dezgeyanê Interneti yê çapemeniya kurdî yew adrese de kom benê. Dezgeyê medyaya kurdî ke wazenê linkê inan zi keyepelê Medyayakurdi.com de ca bigiro, gani derheqê xo de malumat bişawê adresa agahi@medyayakurdi.com.

Tirkiye nizane lêborînê bixwaze le:

“Ji bo ‘hatina rû hev’ lêborînê divê!”

“Almanyaya ku em qet ji demokrasiya wê guman nakin jî bi ‘lêborînê’ derbasî demokrasiyê bû. Ji ber ku Şansolyeya Almanyayê Willy Brandt çû Îsraîlê li ber abîdeya cihûyan bejna xwe tewand û lêborîn xwest, Almanyaya welatekî demokrat e. Her welat divê li gorî aliyên xwe yên xweser, bi rastiyên xwe re bê rûberî hev. Divê rejima Tirkiyeyê jî wisa bike.”



Cafer Solgun

(Wêne: Rûdaw)

WELAT BADIKAN

Stenbol (Rûdaw) - Di demên dawîn de li Tirkiyeyê bahsa pêvajoya aştîya bi kurdan re tê kirin. Ji bo nîqaşên li ser aştîyê di mehên bori de çend konferansên bi navê “Tirkiye li aştîya xwe digere” jî pêk hat. Beşdarên van çalakî û konferansan her çiqas jî nêrînên cuda bin jî daxwazên wan yên “aştîyê” nêzi hev in. Di wê demê de di nava rêzên nivîserên axaftinan de behsa “rûberîhevbûnê” hatina rû hev’ jî tê kirin. Kesên pêwendidar dibêjin; “Ger Tirkiye bi paşeroja xwe re neyê rû hev, em ê tim behsa van pirsgrîkan bikin.” Ji Amerikaya Başûr û Amerikaya Latin minakên “Hesabpîrsin û rûberîhevbûnê” hate rêz kirin û hate gotin ka çima Tirkiye wê yekê pêk neyê. Lewma par Komeleya Lêkolîn û Rûberîhevbûna Bûyerên Cîvaki hate avakirin. Di nava kesên ku ev sazî ava kirine de rojnamevan, nivîskar û akademîsyen jî hene. Rojnamevan û nivîskar Cafer Solgun serokê komelê ye. Solgun li ser daxwaz û armancên “Komeleya Rûberîhevbûnê” axivî.

Mijarên hatina rû hev ya Komeleya Rûberîhevbûnê li Tirkiyeyê çine?

Li Tirkiyeyê ferasetêke siyasî û cîvaki heye ku naxwaze bi pirsgrîkên xwe û rastîya xwe re bê rûberî hev. Ev mesele xala herî esasî ya pirsgrîka demokratîkbûnê ye. Pirsgrîkên ku em hemû dizanin hene. Pirsgrîka kurd a sereke ye. Em çareser kirinê li aliyek bihêlin, feraseta ku ji kurdan re digot tune ye, ew tune dihesiband, heta wê merheleyê hat. Niha hindik be jî em navek lîdikin, nîqaş dikin lê iradeyêke siyasî ku bikaribe wê pirsgrîkê çareser bike tune ye. Minak pirsgrîka elewîyan; ev pirsgrîk yek jî projeyên aştîya cîvaki ye. Li gori hin hejmaran 15 milyon li gori hin kesian 25 milyon elewî hene. Lê pirsgrîka Tirkiyeyê ya elewîtiyê tune ye! Na ev pirsgrîk heye. Li Tirkiyeyê kesên ku xwe weke elewî bi nav dikin û di nava jiyana rojane de kesên ku bi zor bela pêdiviyên wê yekê bi cih tinin hene. Lê li gori dewletê pirsgrîk tune ye û ji ber wê yekê elewî tune tene hesibandin. Li Tirkiyeyê rastîyêke ‘dewleta kûr’ heye. Dewleteke ku tê ditin û ya ku nayê ditin heye. Qanûnêke Bingehîn heye û Belgeya Siyaseta Ewlehiya Netewî heye, hikûmetek heye û serfermandariyêke giştî heye. Dewleteke ku newêre pirsgrîkên xwe bibîne û deriyên xwe

yên demokratîkbûnê veneke, dê çawa bi xwe re bê rûberî hev? Ji me komeke nivîskar, xêzkar, rojnamevan, aktivîstên mafên mirovan û akademîsyen hatin ba hev û me Komeleya Lêkolîn û Rûberîhevbûnê ava kir. Armanca avakirina wê komeleyê ew e ku em bawer dikin ku ev pirsgrîkê dikare tenê bi rûberîhevbûnê çareser bibin.

We wek komele di nava salekê de çikîr?

Par me jî bo danasîna armanc û îdîayên komeleyê du panel çêkir. Di van panelan de me anî ziman ku çareserîya pirsgrîkên li Tirkiyeyê tenê bi hatina rû hev mimkûn e. Her wiha sohbetên me yên rûberîhevbûnê hene. Kesên ku li hemberî peyva rûberîhevbûnê bihîstiyar in beşdarî wê yekê dibin. Em kesên ku gotinek wan derheqê pirsgrîkên li Tirkiyeyê de hene vedixwinin û bi beşdarî re gotubêjan pêk tinin. Ji bo ku em xebatên xwe pêkbinin, me komeke xebatê ava kir. Me koma xebatê ya di-rokeke jî nû ve ava kir. Em bi wê yekê dixwazin îspat bikin ku diroka fermî û rastî ne wek hev in. Bi wê ve girêdayî me hewldana “Lêborîn û Telafiyê” da destpêkirin. Me hin nav û bûyerên ku pêvajoya komarê sembolîze dikin tespît kir û me derxist holê ka bi lêborîn û telafiyê ev yek çawa dikare safî bibe.

Helbet di diroka komarê de gelek mijarên ku divê ji bo wan lêborînê xwestin hene. Di destpêka komarê de tiştên ku ji ber wan lêborînê xwestin çî ne?

Kesên mina Huseyin Avni Ulaş, Cavit Bey, Sabahattin Ali û di diroka me ya nêz de navên mina Musa Anter hene. Wek bûyer jî mirov dikare Komkujiya Meraşê, Dadgehên Îstiklalê, Girtîgeha Amedê, Baca Hebûnê û Bûyerên 6-7ê Îlonê bine rojevê. Wek minak Huseyin Avni Ulaş jî bir bûye û hatiye jibîrkirin. Ew beşdarî pêvajoya avakirina komarê bûye û nêrînên wî yên liberal hene. Wî nedixwest rejim tenê li ser mirovekê bê avakirin û li diji Dadgehên Îstiklalê derket. Digot “Dadgehên Îstiklalê jî bin hewce ye hiqûqeke wê hebe.” Ji ber van nêrîn û gotinên xwe ew biçûk hate xistin û te-dayî lê hate kirin. Mirov dikare bibêje ku nêrînên demokratek dîanî ziman. Me ev yek bi xebateke panelê anî rojevê. Armanca me ne tenê ew e ku em navekî hatiye jibîrkirin binin bira cîvakê. Em dixwazin van bûyer û nava binin rojêke dewletê jî. Qesta me ya ji

dewletê parlamento ye.

Daxwazên we çî ne? We kari daxwazên xwe binin rojêke parlamentoyê?

Me dê ji Parlamentoya Tirkiyeyê bixwesta ku wêrekiyêke wisa nîşan bide ji malbata Ulaş lêborînê bixwaze. Tabî rojêke siyasî ya Tirkiyeyê gelek guherinok e. Me di bin banê parlamen-toyê de teşûbesêke wisa nekiriye. Hemû meseleya me ew e ku ferasetêke demokratîk ava bibe.

A rast li cihanê xwestina lêborînê êdî bû wek kevneşopiyek...

Li Başûrê Afrikayê jî mirov jî rejîma nijadperest ya apartheid piştî biryara siyasî û cîvaki rizgar bûn. Başûrê Afrikayê rûpeleke nû û paqij vekir û tu kes li ser eşên berê siyasî nake. Pêşveçûneke bi vî rengî li Amerikaya Latin jî çêbû. Almanyaya ku em qet ji demokrasiya wê guman nakin jî bi “lêborînê” derbasî demokrasiyê bû. Ji ber ku Şansolyeya Almanyayê Willy Brandt çû Îsraîlê li ber abîdeya cihûyan bejna xwe tewand û lêborîn xwest, Almanyaya welatekî demokrat e. Her welat divê li gori aliyên xwe yên xweser, bi rastiyên xwe re bê rûberî hev. Divê rejima Tirkiyeyê jî wisa bike. Hêj ku di vî wari de daxwazêke berbiçav tune ye, em dixwazin pêşî bidin nîqaşkirin û piştî binin rojevê.

Başê divê çawa lêborînê bixwazin?

Awayê wê yê berbiçav tewandina bejna xwe ye, xwestina lêborînê ye, dayîna tazminatê madi ye, tiştêke din e... Ev yekê de di nava nîqaşên bîn kirin de bi xwe derkeve holê. Lê a giring ew e ku ev rûberîhevbûnê bê rojevê.

Di jiyana me ya rojane de, adeteke me ya spaskirin û xwestina lêborînê tune ye. Dewletê wê çawa wê yekê bike?

Rast e. Di wê cîvakê de kultura xwestina lêborînê tune ye, bi dewletê re jî di warê lêborînê de ne kultur û ne jî ev adet heye. Di mijarên zelal û berbiçav de jî dewletê ranêbûye lêborînê nexwestîye. Ger ku em wê yekê bikaribin wek daxwazêke cîvaki bi cih bikin, dibe ku pêk bê. Derketê holê ku Engin Ceber bi lédana ji çovên hesinî hatiye hatiye kuştin, ev yek di raporên edlî de jî derketê holê û tespît bû ku bi îşkenceyê hatiye kuştin. Bi wê yekê re hesasiyeteke cîvaki pêk hat. Serokê Meclîsa niha û Wezîrê Edaletê yê demê Mehmet Ali Şahin rabû lêborîn xwest. Li hemberî van pêşveçûnên erênî jî nêzîkahiya me erênî ye, kompelsa me tune ye. Hate gotin ku “Em jî malbata

Engin Ceber lêborînê dixwazin. Di îşkenceyê de jiyana xwe ji dest da.” Ev yek hate gotin.

Bawerîna lêborîna yekem e...

Belê, ev a yekem e. Ji sala 1980’an û vir de bi sedan mirov jî ber îşkenceyan nivîskan man û jiyana xwe ji dest da. Tu êşek nacebîre, kesên ku dimirin jî mirov nikare wan bine. Ji ber ku ev yek îşareta guherîna ferasetê ye, xwestina lêborînê tişteke giring e. Bi awayek sembolîk jî be niyetê nîşan dide û her wiha dide xuyakirin ku dê pêşerojê cudatîr be. Niha em li pey rik, neyartî û nefretê nin in. Li gori me divê bi van rastîyan re rûberîhevbûnê çêbibe. Bo nîmûne gelo dewletê jî ber meseleya elewîyan rabû û lêborîn xwest? Mesela dewletê wiha got; “yekîneyên me hin mirovên me qetîl kirin, me 100 kesî kuşt. Kesên ku mane jî malên xwe terkandin, welatê xwe terk kirin. Ji ber ku bûne sedema wê yekê em lêborînê dixwazin.” Nexer wiha negot. Dewletê lêborînê naxwaze û ger em wisa bihêlin wê lêborînê nexweze jî. Ji ber wê yekê divê em wê yekê bikin daxwazêke cîvaki.

Yek ji bersûcên Susurlukê Ayhan Çarkın kevneşopî gotibû “mîn hezar mirov kuştine.” Gelo çima kes zorê nade ser wê gotinê?

Ev emareyêke pîr cidî ye. Susurluk bi awayêke di ser de hate darizandin û aliyên wî yên xwin rijandinê dernekete holê. Bersûcê herî zêde salek di girtîgehê de man û derketin. Niha bi awayekê ûcdanî aciz in û diaxivin, dibe ku bêne kuştin. Wê çaxê de pîrs bê bersiv bimînin.

Di qanûnê de xaleke heye, dibêjin, ‘dem di ser re derbas bûye’ û bersûcê nayê mehkeme kirin, ev yek xebatên we asteng nake?

Di warê hiqûqê de derbasbûna demê xitimandinek e. Di qanûnê de bîngehîna yên welatên demokratîk de di sîcîn li hemberî mirovahiyê, komkuji û di îşkenceyan de derbasbûna demê tune ye. Di hiqûqa navnetewî de jî ev yek heye. Lê li Tirkiyeyê derbasbûna demê ne jî bo derxistina dosyayan, jî bo vîsartîna dosyayan heye. Em wek komele, endama Koalisîyona Tirkiyeyê ya Dadgeha Cezayê ya Navnetewî ne. Dadgeha Cezayê ya Navnetewî bi îmzekirina statîya Romayê, dikare aktîf bibe. Li cihanê du welatên ku ev statî qebûl nekîrine hene, yek DYA û ya din jî Tirkiye ye. Ji ber ku eger hûn wê sta-

tîya ku bîngeha hiqûqa wê dadgehê ava dike qebûl bikin, sîcîn li hemberî mirovahiyê tu caran nikare bikeve ber derbasbûna demê. Ki çima jî encamên wê yekê ditirse? Her wiha em wek komele li diji xalek îtiraz dikin: Derbasbûna demê piştî ku ev statî hate qebûlkirin û sîcîn derbasdar e, jî bo berî qebûlkirina wê statîyê nelê ye. Tirkiye jî wê yekê jî ditirse.

Gelo heza we ya ku hûn bikaribin bayeye cîvaki ava bikin heye? Di cîvakê de li hemberî van mijaran ataletêk tune ye?

Bi serê xwe ne em, bi serê xwe ne tu kes. Divê derheqê wê mijarê de hesasiyetekê bê avakirin. Nebihîstiyarî jî heye, atalet jî heye û di ûcdanan de kobûn jî heye. Helbet ev yek xebatên me dixî zorê. Lê em bi înyat berdwam dikin. Mesela doza Ergenekonê dest pê kir lê em tenê serê benîkî dibînin. Kuştînen kiryar nediyar ên li bajarên kurdan, şewitandin û valakirina gundan û bi hezaran bûyerên wisa... Ger em bi ser de neçîn dê ev lêpîrsin jî weke “çeteyek” bê darizandin û bi encam bibe. Ma Ergenekon ev e, na, ev nin e. Divê em bikaribin xwe berdin kûrahîyê da ku em hemû tiştî bibînin.

Kî hene?

Damezrênerên Komeleya Lêkolîn û Rûberîhevbûna Bûyerên Cîvaki ev in: Cafer Solgun (Serok), Nil Mutluer (Alîkara Serok), Aytekin Yılmaz (Koordinatîrê Giştî), Şaban Dayanan, Şeyhmus Diken, Yıldırım Ogur, Raffi A. Hermon, Şînasî Haznedar, Neslihan Demir, İhsan Doğuş, Ayça Ozyiğît Örer. Nivîskar, rojnamevan, akademîsyen, hiqûqnas û hunermendên ku di Desteya Şewirmendîyê ya Komeleya Rûberîhevbûnê de cih digrin jî ev in: Mithat Sancar, Arman Yılmaz, Feray Salman, Ragîp Zarakoğlu, Arda İbîkoglû, Ahmet Tulgar, Derviş Zaim, Muge İplikçi, Tanıl Bora, Eren Keskin, Ayhan Bilgen, Ferhat Kentel, Ferda Keskin, Muhsin Kızılkaya, Orhan Miroğlu, Neşe Yaşın, Sezai Sarioğlu, Ferhat Tunç, Etyen Mahçupyan, Mesut Yegen, Mahmut Temizyurek, Haydar Ergülen, Mîgirdîç Margosyan û Ulaş İnanç.



Abid Yalçın li dukana xwe ya nû ya li Velbert-Nevigesê

(Wêne: Rûdaw)

“Mêr jî wek jinan xwe dixemilîn”

Berberê kurd Abid Yalçın hefta borî li Velbertê dukana xwe ya nû vekir. Wî di 6 salan de bêhtir mêran xemilandiye. Yalçın dibêje ku mêrên vê demê wek jinan bi xweşikiya xwe re mijûl in.

Velbert (Rûdaw) - Abid Yalçın ev şeş sal in ku li Almanya berberiyê dike. Piştî şeş salan li deverên cuda wek karkerek xebiti û bêhtir bi tiraşa mêran re mijûl bû, niha li Velbertê dukana xwe vekir û bû xwediyê karê xwe. “Müşteriyên dukana nû bêhtir jin in, lê ez wek ê mêran dikarim porê jinan ji kur bikim, boya bikim, rûyên wan bixemlinim. Jiber ku mêrên rojane ji wek jinan bi por û xweşikiya xwe re mijûl in û min bi salan ev kar kiriye.”

Wek Abid Yalçın ji me re dibêje 8 sal berê dema ku ew giha Almanyayê nikaribû meqesê bike destê xwe. Demekî ji rojnameya Özgür Politikayê re nûçegihaniyê dike, xaçepirsan amade dike.

Piştî vi kari dest bi bazariyê dike, lê di vi karide ji pêşakeve. “Ez rojek li bajarê ku dijim, li Hattingenê di rojnameya herêmi rasti reklameki hatim. Berbereki tirk ji xwe re li karkerekî digeriya. Ez çûm û min jê re got kesê ku tu lê digeri ez im. Lê min heta ew roj meqesê ji nekiribû destê xwe û porê tu kesi nequsandibû. Wî ji meqesê da destê min û xwest ez porê xortekî ku li benda dora xwe sekinibû, biquşinim.”

Şansa wî ew roj lê te; ew xort ne porê moda xwestiye, tenê xwestiye ku hinek kirt bike. “Eger wî ji min modelekî por ku ez nasnedikirim bixwesta, min nekaribû dest bi kar bikira. Ez wek westayekî du salan li wê dukanê xebitim û

bi rasti ji bûm westa.”

Paşê li du sal li Dortmundê û du sal ji li Herneyê dixebite. “Li Dortmundê tenê min porê xortan û zilaman diqusand, ji bo jinan berbereka jin hebû. Xortên ku dihatin cem min piştî carekî disa dihatin. Hinek ji wan di berika wan de wêneyê artistê ku jê hezdkirin hebû û dixwestin ku ez wek wî artistî porê wî çekim. Min cara yekem li wir birûyên mêran bi ben zirav kir.”

Li bajarê Herneyê rewş diguhere, Yalçın dibê berberê sereke. Ne tenê ji beşa mêran, lê ji ya jinan ji berbersiyarî dike. “Di demeke

kurt de gelek müşteriyên min ên jin çêbûn. Min berê digot qey jin ji berberên mêr fedî dikin, na tiştek wisa tune. Dema tu jineke li gor dilê wê xweşik bixemilini ew êdi hertim tê cem te.”

Yalçın gotinê tine ser mêrên kurd û modeya poran û nîşên nû. “Nîşên nû, keç ji, xort ji; çi alman, çi kurd, çi tirk, hemû ji ji mû û pirç aciz in.

Kultura popê ji wan re minakên li ber çavan avadîke û ew ji dixwazin bibin wek wan. Mêrên temenê wan li ser si salî ne, ji seriyên rût hezdkin û tén cem me em serê wan bi jilê rût

dikin. Xortên di bin 25 salî de ji şiklên ecêb didin porê xwe.” Ew cara yekem di sala 2005’an de rûyê mêrekî kurd ben kiriye. Ew dibêje ku nîşên nû yên kurd ji almanan zêdetir modayê dişopin, li gor trenda xweşikiyê tevdişopînin, û tu tabuyekî wan tune. Gotinê tine ser müşteriyê kurd ku di sala 2005’an de wî tiraş kiriye. “Wek ku jin hemû rûyên xwe ben dikin, wî ji ew yek ji min xwest; digot ez diçim cem dergistiya xwe û divê ew min biçibine. Min li gor xwesteka wî simbel û ri li ser tayekî zirav çekir, hemû mûyên li der û dorên rûyê wî kişand. Du roj şûnde disa hat ji min re spas kir. Ew bi salan hertim hat xem min.

Li Silêmanî pêşbirka kifteyan: Şampiyon 12 kîlo ye



(Wêne: Rûdaw)

Silêmani – Li Silêmani di ahenga salvegera damezrandina bajêr de, pêşbirka çekirina mezintirin û biçûktirin kifteyan hat lidarxistin. Di pêşbirkê de, mezintirin hifte hat destnîşankirin ku giraniya wê 12 kilo bû.

Xwediyê kifteya herî mezin Wîrya Mehmûd ji Rûdawê re got, di kifteya wî de 6 kilo goşt, 3 kg birinc û 12 hêk li gel mewij û behiv hatine bikaranîn.

Kifteyên normal li Kurdistanê ji kiloyekî biçûktir e.

Kifte yek ji xwarinên navdar ên Silêmaniyê ye. Kifteya herî naskirî li Silêmaniyê Kifteya Taxa Sabûnkeran e. Payiza isal diroka dirustbûna bajarê Silêmaniyê bû 225 sal.

“Dixwazim rojekî di Bercelonayê de bilîzim”

Mirkan Aydın di Bundesliga de di tîma VfL Bochumê de dilîze û dixwaze di tîmên Ewropayê de pêşbikeve. Ew di listikvanan de ji Fernando Torres hezdiye.



Mirkan Aydın

manan xurtir û jêhatitir bin. Wekî din tu şansê wan tune. Mercê yekem ku alman di listikvanan de dixwazin, dişiplin û teknîk e. Herwiha tîkiliya bi listikvanê din di nav tîmê de ji gelek giring e.

Wek her listikvanên futbolê xeyala Mirkan ji heye. “Ez dixwazim rojekî di FC Barcelona de bilîzim.” Listikvanê ku herî jê hez dike û wî ji xwe re wek minak dibîne Fernando Torresê ku niha di Liverpoolê de dilîze ye. Em sedemê vê yekê dipirsin, wiha dibersivî: “Jiber ku Torres xwînsar e, natirse, nakeve dubendiyan û tu hesaban nake. Zêde nafikire, dema gok tê ber lingên wî ew lê dixê.”

Mirkan Aydın dibêje ku ew ji bo alikariya xortên kurd li Hattingenê dijin amade ye. Li Hattingenê ji bo damezrandina timekî futbolê ya kurd ew niha alikarî dike. Aydın jiber nebûna tîmên kurd ên navdar bibirtine ku gelek listikvanên kurd di tîmên biyani de dilîzin û kes wan nasnake. “Dema ku ez biserkevim wê gavê nasnameya xwe li herderê diyar bikim. Lê ji bo vê yekê divê ez ji di yek tîmên Ewropayê de bilîzim.”

Hattingen (Rûdaw) - Listikvanê futbolê yê kurd Mirkan Aydın niha di Bundesliga de di tîma VfL Bochumê dilîze. Ew hejmara listikvanên kurd di tîmên Ewropa de kêm dibîne û ji nebûna tîmên kurd gazincan dike. Aydın niha li benda menajerê tîmê ye ku pê re peymaniyekî demdirêj çekin. Mirkan ji listikvanan pir ji Torres hez dike û dixwaze rojekî di Barcelonayê de bilîze.

Aydın di sala 1987’an de li bajaroka Hattingenê hatiye dinyayê. Malbata wî ji Qereyaziya li ser Erzzeromê ye û di salên 1970’an de koçê Almanya ki-

riye. Birayên wî berê xwe dane xwendina zanîngehê, Mirkan ji ji aliyekî ve dibistan û ji aliyê din ve futbolê bi hev re birîye. Ew 2002’an de di 15 saliya xwe de di liga NRW’ê de di tîma TSG Sprockhövel de dest bi futbolê kiriye. Heta sala 2007’an di vi tîmê de listiyê û paşê jiber jêhatibûna wî derbasê tîma VfL Bochum 1848’a bûye. Ji sezona 2009/2010’an pê ve ji ketiye nav kadroya VfL Bochumê, ango Bundesliga. Ew niha sê car ketiye kadroyê û di maça li hemberê Hoffenheimê ji di saha navin de listiye.

Ji malbata Aydın yekem futbolvan ne Mirkan e, dema ku Siirtspor di Superliga Tirkîyeyê de cihdigirt, apê wî Çetin Aydın di wi tîmê de dilist. Niha di malbatê de li dora 15 kesan an bi amatori an ji bi profesyoneli bi futbolê dilîzin. Hêviya Mirkan heye ku tekeve kadroya esil a VfL Bochumê û paşê ji bikeve nav tîmên Ewropayê yên navdar, wek Barcelona, Inter û Real Madrid. “Ez niha ji aliyekî ve di Zanîngeha Dortmundê de di besa Wirtschaftswissenschaft navê xwe qeyd kiriye û ji aliyê din li benda teklîfa menajerê tîma Bochumê me. Eger karibim di

Bundesliga de berdewam bikim wê gavê ezê zanîngehê ji dûr ve bixwînim.”

Li gor agahiyên ku Aydın dide me di navbera sezonan de ji listikvanan re gelek teklîf tén. Ji wî re ji hatine. “Dema ku ez di VfL Bochum 1848’ê de listim û gelek gol avêtim ji Borussia Dortmundê û Baser Leverkusênê teklîf hatin, lê ez niha dixwazim di tîma xwe de bilîzim.” Aydın di tîmên alman de hejmara listikvanên biyani ji bibirtine û wiha dibêje: “Ji bo ku xortên biyani di tîmên Almanya an ji di tîmên Ewropa de karibin bilîzin divê ew ji al-